

PAVLİNİN KİYADI FİLİPLİLERÄ

Seläm

1 İisus Hristozun çıraklı, bän, Pavli, hem Timofey, seläm yollêeriz İisus Hristozun bütün ayoz halkına, ani bulunêr Filip kasabasında, hep ölä episkoplara hem dia-konnara*.

2 İivergi hem usluluk olsun sizä Allah Bobadan hem Saabi İisus Hristozdan.

Şükür hem dua

3 Şükür ederim benim Allahıma herzaman, açan aklıma getirerim sizi.

4 Herzaman, herbir duamda hep siniz için sevinmäklärn dua ederim,

5 zerä ilk gündän şindiyä kadar siz pay alêrsiniz İi Haberi haberlemektä.

6 Pek inanêrim, ani O, Kim çeket-tirdi sizdä bu ii işi, bitirecek İisus Hristozun gününä kadar.

7 Dooru, ani bölä sizin için düşünerim, zerä siz benim üreemädäyis-niz. Hem açan sincirlärlän baalyım, hem da açan İi Haberi koruyêrim hem aslısını çıkarêrim, siz hepsiniz pay alêrsiniz bu hayırda benimnän barabar.

8 Allah bana saat, ani bän özleerim hepsinizi İisus Hristozun sevgi-sinnän.

9 Dua ederim, ki sizin sevginiz taa çok hem taa çok büüsün bilgidä hem annamakta.

10 Ozaman taniyabilirsınız, ne faydalı, ki olasınız temiz hem kusursuz Hristozun gündündä,

11 dolu dooruluk meyvasının, ani geler İisus Hristozdan, Allahın şanı için hem metinnii için.

İi Haberin nasaadi

12 İsteerim biläsiniz, kardaşlar, ani benim halim fayda oldu taa çok İi Haberin haberlenmesinä.

13 Ölä ki annadı herkezi impera-torun binasında hem hepsi kalan in-sannar, ani bän sincirlärlän baalıym Hristos için.

14 Çoyu kardaşlardan, Saabyä umutlanarak, benim sincirlerimdän taa çok kıyuşmak edendilär da kor-kusuz söleerlär Allahın sözünü.

15 Dooru, ani kimisi nasaat eder Hristos için haseetliktän hem yarış-maktan, ama başkalari ii neetlän.

16 Kimisi bunu yapêr sevgiliktän, bileräk ani bän koyuldum, ki koru-yayıym İi Haberi.

17 Başkası haberleer Hristozu ken-dini kaldırımk için, diil pak neetlän, sanarak, ani bununnan zeedeleerlär zeetlerimi kapanda.

18 Ama ne zararı var? İstâr yapın-maklan, istâr haliz ürektän, Hristos haberlener. Bunun için sevinerim hem taa çok sevinecäm dä.

19 Zerä bilerim, ani bu bana kur-tulmak getirecek sizin dualarınızdan

hem İisus Hristozun Duhunun ya-rdiminnan.

20 Havezlän bekleerim hem umutlanêrim, ani hiç utanmış ol-mayacam, ama kıyuşmaklan lafe-decäm, da nicä herzaman, ölä şindi dä, yaşarsam da, ölürsäm dä, Hristos benim güdümnän metin-neceek.

21 Zerä benim için yaşamak – Hristos, ölüm – kazanç.

22 Eer ileri dooru yaşarsam güü-dedä, faydalı işlär yapabilärim. Ama bilmeirim, ne ayirayım.

23 Çeker beni bu da, o da. İsteerim geçineyim bu dünnedän da olayım Hristozlan, zerä bu çok taa ii.

24 Ama güüdedä kalarsaydım, bu sizin için taa lääzimníkli.

25 Çok inanarak buna, bilerim, ani yaşıyacam da ileri dooru sizinnän hepsinizlän barabar olacam, ki siz, inanda ilerleyip, sevinásınız.

26 Ozaman taa çok üünäbileceniz Hristos İisuslan benim için, açan si-zä geeri gelecam.

27 Sade yakışıklı yaşıyınız Hris-tozun İi Haberinä görä, ki eer gelir-säm da görüsäm sizi, eki gelmär-säm, işideyim sizin için, ani duhça birlikte durêrsiniz, nicä bir can sa-vasarak, ki İi Haber inanılsın,

28 hem karşı durannardan hiç korkmayarak. Bu onnar için bir nişan, ani onnar kaybeleceklär, ama siz kurtulaceniz. Bu da var Allahtan.

29 Zerä sizä Hristos için verili, diil sade Ona inanasınız, ama zeetlenä-siniz dä Onun için.

30 Siz hep ölä savaşêrsınız, nicä bendä gördünüz hem nicä şindi be-nim için işidersiniz.

Hristos – örnek bizä

2 Hristos sizi girginneder, sevgi-sinnän ilwendire, Ayoz Duhtan pay alêrsiniz, üreenizdä sevgi hem acıyannik var.

2 Onuştan benim sevinmemi dol-durun: olun bir neettä hem bir sevgi-liktä, nicä bir canda hem fikirliktä.

3 Bişey yapmayın kendinizi kal-dırmak için eki boşuna üümäk için, ama yavaşılıklan hatırlayın biri-biri-nizi, üuseklendirirär başkasını taa çok, nekadar kendini.

4 Düşünmeyin salt kendiniz için, ama başkası için dä düşünün.

5 Sizdä olsun hep o düşünümäk, ne vardı İisus Hristozda.

6 Makar ki O Allahın simasıydı, saymadı, ani düşer kendini koymaa Allahlan bir,

7 ama metinnindän soyunup, aldı çırak simasını da oldu insan gibi.

8 Olarak insan görümden, O aşaa-latti Kendini da sesledi Allahı ölümä kadar, artık ölümä kadar stavroza.

9 Onuştan Allah Onu pek çok üusekletti da baaşladı Ona hepsi ad-lardan taa üstün bir ad,

10 ki İisusun adını ikramnayarak hepsi göktekilär, erdekilär hem er altındakilar diz çöksünnär,

11 hem herbir dil açık sölesin, ani İisus Hristos – Saabi, da bununnaan Allah Boba metinnensin.

Çıkarın başa kurtulmanızı

12 Ölä ki, sevgili kardaşları, ni-cä herzaman sesliniz, diil sade açan benim yanımdaydınız, ama taa çok şindi, açan bän yokum aranıza, saygıylan hem korkulan çıka-rın başa kurtulmanızı.

* 1:1 Episkoplolar – yada «güdüculär». Diakonnar – yada «yardımcılar», klisedä para toplamaa, payetmää hem buna benzär işleri yapanlar.

13 Zerä Allah O, Kim işleer sızdä, ki hem isteyäsiniz hem yapasınız, ne O beener.

14 Hepsini yapın, mirıldanmaya-
rak hem çekismeyäräk,

15 ki olasınız kusursuz hem temiz, Allahin lekesiz uşakları bu bozuk hem sapık senselenin ortasında. Onnarın arasında siz, sıkı tutarak yaşamak verän sözü, şafk edersiniz, nicä yıldızlar göktä.

16 Ölä ki olacek neylän üünayim Hristozun gündündä, ani boşuna çalışmadım hem boşuna işlämedim.

17 Nicä şarap döküler kurbanın üstünä, hep ölä benim kanım da lää-
zim dökülsün, ki tamannansın sizin inanınızın izmetçili. Ama hep oka-
dar sevinerim hem hepsinizin sevin-
meliinizdän pay alêrim.

18 Hep ölä siz dä sevinin hem be-
nim sevinmeliimdän pay alın.

19 Saabi İisusa umutlanêrim, ani tezdä yollayacam sizä Timofeyi, ki benim dä, haber sızdän kabledip, ürääm uslansın.

20 Zerä başka kimseyim yok, ki onun gibi düşünsün hem sizin için bütün ürektän çalışın.

21 Zerä hepsi aarêér kendinä fay-
da, diil İisus Hristoza.

22 Ama bilersiniz, nekadar denen-
miş adam Timofey, zerä İi Haberi nasaat ederäk benimnän barabar iz-
met etti, nicä bir ool bobasının.

23 Umutlanêrim, onu çabuk yolla-
yım sizä, gördünän, ne olacek be-
nimnän.

24 Çok inanêrim Saabyä, ani tez-
dä kendim dä gelecam.

25 Ama esapladım, ki lääzim sizä
geeri yollayım kardaşımı Epafrodi-
ti, angısı benimnän barabar işleer

hem savaşêr, da angısını siz yolladı-
niz, ki yardım etsin bana zorlukla-
rımda.

26 Zerä o pek özlemiş sizi hepsini-
zi, da çok güçlendi, çünkü onun has-
talı için iştittiniz.

27 Hakina, o hastalandıydı da ölüm döseendeydi, ama Allah acıdı onu, da diil sade onu, ama beni dä, ki olmasın bana kahir üstünä kahir.

28 Onuştan onu taa büyük havezläñ
yollêrim, ki siz, onu enidän görüp,
sevinâsiniz, bän dä taa az kahırla-
nayım.

29 Kaledin onu Saabidä bütün sevinmeliklän da butürlü insannarı hatırlayın.

30 Zerä o Hristozun işi için yakındı ölümä da yaşamاسını ortala koydu, ki tamannasın izmetçili, ne eti-
märdi sızdä bana deyni.

Hakina dooruluk

3 Bitkidä, kardaşlarım, sevinin
Saabidä. Bana diil aar yazmaa
sizä hep o işleri, zerä bu sizi zarar-
dan koruyar.

2 Korunun o köpeklerdän! Koru-
nun kötülük yapannardan! Korunun
kesiklik kasaplarından!

3 Zerä hakina kesikli – biz, ani
duhça izmet ederiz Allahe, üüneriz
İisus Hristozlan hem umudumuzu
koymêiriz insan işlerinä.

4 Aslıda bän dä var nicä umudu-
mu koymayım insan işlerinä. Eer bir-
kimsey sanarsa, ani var nasıl umut-
lansın insan işlerinä, bän taa çok
umutlanabilerm.

5 Sekizinci günü duumaktan ke-
sikliyim, Izrail milletindän, Venia-
min tamizlından, çiftitlardan çiftit,
Ayoz Zakona görä farisey.

6 Kiyaklıklan kliseyi koolardım. Eer lafedärsäk dooruluk için, ani Ayoz Zakonda temelli, bän kabaatsızdım.

7 Ama nedä bän üstündüm, onu kayıplık saydım Hristos için.

8 Bundan taa çok, hepsini sayêrim
kayıplık, bakarak, nekadar taa üs-
tündür tanımak Hristos İisusu, be-
nim Saabimi. Hristos için hepsini
kaybettim hem gübür sayêrim, ki
edenäbileym Hristozu

9 da bulunayım Onda, diil kendi
dooruluumnan, ani Zakondan geler,
ama doorulukan, ani Allahtan geler
inannan Hristoza da inanda temelli.

10 İsteerim tanıyorum Onu hem di-
rilmesinin kuvedini, pay alayım
Onun zeetlerindän hem ölümünnän
Ona benzär olayım,

11 nesoy da olsa, etişäbileym ölü-
lerin dirilmesinä.

Kaçalim çizgiyä dooru

12 Diil, ki demää, ani sindän sora
kablettim eki taman oldum, ama çal-
ışêrim, ki edeneyim, nicä Hristos
beni edendi.

13 Kardaşlar, saymêrim, ani bän
edendim, salt bunu yapêrim: geeri-
sini unudarak da önumdä işlerä uza-
narak,

14 kaçêrim o uura etişmää çizgi-
yä, ki ödää kazanayım – göktä yaşa-
maya, angısına Allah çaaardi beni
İisus Hristozda.

15 Onuştan hepsimiz, kim duhça
ergin, lääzim bölä düşünelim. Eer
sızdä varsa başka bir neet bişey için,
Allah bunu da açacek sizä.

16 Ama neylän bir annamaya gel-
dik, onu ölä dä tutalım.

17 Bana benzär olmaa çalışın, kar-
daşlar, da islää bakın onnara, kim
yaşêer o örnää görä, angısını biz si-
zü verdik.

18 Zerä çoyu onnardan, kimin için
çoş sıra söledim sizä, sindi dä söle-
rim aalayarak, yaşêerlar nicä Hris-
tozun stavrozunun duşmannarı.

19 Onnarın sonu kayıplık olacek.
Onnarın allahi – kendi şkembeleri,
da üünerlär onunnan, nedän lääzim
utansınnar. Onnar düşünerlär erdeki
islär için.

20 Bizim vatanımız sa göklerdä,
neredän bekleeriz Kurtarıcıyı, Saabi
İisus Hristozu,

21 Angısı bizim bu düşküngüüde-
mizi diştirecek da yapacek Kendi
şanni güüdesinä benzär olsun, fay-
dalayarak o kuvedi, angısının O
var nasıl zapetsin hepsini.

Bitki nasaatlar

4 Ölä ki, sevgili kardaşlarım, an-
gilarını çok özledim, benim se-
vinmeliim hem feneşim, bölä kaavi
durاسınız Saabidä, sevgililär.

2 Yalvarêrim Evodiyaya, yalvarê-
rim Sintihiyä, Saabidä olun bir an-
namakta.

3 Sän dä, Sizig*, hakina kafada-
rim, yardım et bu karılara, ani sa-
vaştilar İi Haberi nasaat etmää be-
nimnän, Klementlän hem kalan-
narlan, ani benimnän işleerlär, an-
giların adları yazılı yaşamak kiy-
dında.

4 Sevinin Saabidä herzaman, taa
bir sıra deerim, sevinin.

5 Sizin yalpaklınız hepsi insan-
nardan bilinsin. Saabi yakın.

* 4:3 Sizig adın annaması «kafadar hep bir boyundurukta».

6 Kahırlanmayın bişey için, ama hertürlü duada hem yalvarmakta açın sizin istemeklerinizi Allahın öndə şükürlüklən.

7 Ozaman Allahın selemeti, ani taa üüsek herbir akıldan, koruyacek sizin üreklerinizi hem fikirlerinizi İisus Hristozda.

8 Bitkidə, kardaşlarım, ne var həkina, saygılı, dooru, temiz, sevimli hem mayıl, ne var ii hem metimni, onnar için düşünün.

9 Ne üürendiniz, kablettiniz, iştiniz hem gördünüz bendə, onnar tamannayın, da selemet verən Allah sizinnən olacek.

Pavlinin şükürü

10 Bän pek sevindim Saabidə, ani siz enidən başladınız benim için meraklanmaa. Siz herzaman meraknardınız benim için, ama yoktu kollaylımız.

11 Deerim bunu, diil ani benim zorum var. Zerä bän üürendim şükür olayım o halda, angısında bulunərim.

12 Bilerim yaşamaa, nicä yoklukta, hep ölə bollukta da. Üürendim sekreti, ani hererdə, herbir halda, nicä tok olayım, hep ölə aaç da durayım, nicä bollukta, hep ölə zorlukta da bulunayım.

13 Hepsini becererim Hristozda, ani beni kaavileer.

14 Ama siz ii yaptınız, ani benim-nän pay aldınız benim zeetlerimdä.

15 Siz dä, Filiplilär, bilersiniz, ani açan İi Haber daalmaa başladı, da bän çıktı Makedoniyadan, bir dä klisä pay almadi yardım vermektä hem nasaat kabletmektä, sizdän kaarä.

16 Bän Saloniktä bulunarkan, siz birkaç sıra yardım yolladınız bana, açan zorum vardi.

17 Söleerim bunu, diil ani baasış aarêrim. Tersinä, aarêrim bir kazaç sizin faydanız için.

18 Bendə hepsi var, bollukta ya-şêrim. Bän tokum, kablettim, neyi Epafruditin elinnän yollamışınız. Bu – nicä gözäl kokulu bir baasış, bir kurban, angısını Allah kableder hem beener.

19 Allahım da dolduracek hepsi sizin läázimníklarınızı Kendi zebilliktän zenginniinä görə İisus Hristozda.

20 Allah Bobamiza olsun metin-nik diveçtän divecä! Amin.

21 Selämneyin İisus Hristozun bütünlüyiniz ayoz halkını. Kardaşlar, ani be-nimnän, sizä seläm yollêrlar.

22 Allahın bütün ayoz halkı, hepsindän çok – Kesarın evindekilär, sizä seläm yollêrlar.

23 Saabi İisus Hristozun iivergisi olsun sizin duhunuzlan. /Amin./

PAVLİNİN KİYADI KOLOSLULARA

Seläm

1 Bän, Pavli, Allahın istediinä gö-rä İisus Hristozun apostolu, hem kardaş Timofey

2 seläm yollêrız ayoz kardaşlara Kolos kasabasında, angıları inanêrlar İisus Hristoza. İivergi hem uslu-luk sizä Allahtan, bizim Bobadan, /hem Saabi İisus Hristozdan/.

Pavli şükür eder Allaha

3 Herzaman şükür ederiz Allaha, bizim Saabi İisus Hristozun Bobasına, açan dua ederiz sizin için.

4 Zerä isittik, ani siz İisus Hristoza inanêrsınız hem Allahın bütün ayoz halkını seversiniz.

5 Bu inan hem sevgi geler umut-tan, ani göktä saklı sizin için. İşitti-niz bu umut için hakına sözdän, İi Haberdän,

6 ani sizä etisti. İi Haber, nicä bütünlü dünnedä, sizin aranızda da mey-va getirer hem git-gidä ilerleer o gündän, açan işittiniz onun için hem hakına annadınız Allahın iivergisini,

7 nicä üürendiniz Epafrastan, bi-zim sevgili kafadarımızdan, angısı İisus Hristozun inanç izmetkeridir sizin hatırlınızı için.

8 O söledi bizä sizin sevginiz için, ani Ayoz Duhtan.

Pavlinin duası koloslular için

9 Onuştan biz ozamandan, açan bunu isittik, durgunmêrız sizin için dua etmää hem yalvarmaa, ki ii bilä-

siniz Allahın istediini bütün aarif-liklən hem bir duhça annamaklan.

10 Dua ederiz, ani yaşamınız Saabi-yä yakışsın da herbir iş üzerə beendirəsiniz kendinizi Ona, hertürlü ililiklərlən meyva getirəsiniz hem ilerleyəsiniz Onu tanımakta,

11 kaavilenəsiniz hertürlü kuvet-lən Onun metin kudredinä görə, ki hepsinä sevinclən dayanasınız hem saburlu olasınız,

12 şükür ederák Allah Bobaya, An-gisi kolaylık verdi bizä, pay alalim onda, ne sakladı ayoz halkı için ay-dinnikta.

13 O kurtardı bizi karannıun zaa-bitliindän da geçirdi Kendi sevgili Oolunun padişahlıına,

14 Angısı kurtardı bizi /Kendi ka-ninnan/ da baaşladı günahlarımızi.

Kimdir Hristos hem nedir Onun işi

15 Odur görünmeyän Allahın gö-rünmesi, ilk duulmuş. O üstündür hepsi yaradıllannardan.

16 Zerä Onun aracılınnan yara-dıldı hepsi, ne göktä hem ne erdä var, hepsi, ne görürə hem ne gö-rünmeer, zaplıklar, corbacılıklar, kul-lanıcılar hem zaabit edennär. Hepsı Ondan hem Onun için yaradılı.

17 O öncə hepsindän, hem hepsi Ondan tutunêr.

18 Odur güüdenin, klisenin Başkanı. Odur – kliseyi başlayan, ölülerdän ilkinkisi, ki herbir istä ilk eri alsın.

19 Zerä Allah kayıldı, bütün ta-mannı Onda bulunsun,

20 da usluluk edeneräk Onun kañnnan, ani stavrozda akıldı, Onun aracılınnan barıştırsın Kendinnän hepsini, ne göktä hem ne erdü.

21 Siz vakıdin birindä yabanciydiñ hem duşmandınız Allaha kendi fikirinizdä, zerä kötülük yapardınız. Ama O şindi sizi dä barıştırdı,

22 zerä Hristos güüdeycesinä öldü, ki getirsin sizi Allahın öünüä ayoz, kusursuz hem kabaatsız.

23 Bu olur, eer siz temellenmiş hem sallanmadık inanda durursaydınız da yıraklanmarsayıdnız umuttan, ani ge-ler İi Haberdän. Siz iştittiniz bu İi Haberi, angısı nasaat olundu hepsi insannara gök altında. Bän, Pavli, bu İi Haberin izmetkeriyim.

Pavlinin izmeti inancılara

24 Şindi, zeetleneräk sizin için, bän sevinerim. Çünkü kendi tenim-đ tamannêrim, ne Hristozun zeet-lerindän kaldı çekilmekid Onun güü-desi için, angısı – klisä.

25 Bän klisenin izmetkeri oldum Allahın sırasına görä. Bu izmet bana verildi sizin hatırlınız için, ki nasaat edeyim hererdä Allahın sözünü,

26 o saklı kurulmuşu, ani açılma-mış kaldı evel vakıtlarda hem sense-lelerdä, ama şindi açıldı Onun ayoz halkına.

27 Allah istedi göstersin onnara, nekadar şannı hem zengindir millet-lär arasında bu saklı kurulmuş. O – Hristostur, metinnik umudu, ani siz-dä bulunêr.

28 Biz Hristozu haberleeriz, akl vereräk herkezinä hem üürederäk herkezini hertürlü aarifliklän, ki çi-karalim Allahın öünüä herkezini ta-man İisus Hristozda.

29 Tä bunun bän savaşıp iş-leerim, çalışarak Onun kuvedinnän, ani bendä.

2 İsteerim, ki biläsiniz, nekadar çok çalışırım sizin için, laodiki-yalilar için hem hepsi onnar için, kim görmedi benim üzümü.

2 İsteerim, ani onnarn ürekleri hoş-lansın hem sevgiylän birleşsinnär, ki taman bilimin bütün zenginiini eden-sinnär da tanısınnar Allahın saklı ku-rulmuşunu, ani Hristostur,

3 Angısında saklı bütün aarifliin hem bilimin haznasi.

4 Bunu söleerim, ki birkimsey sizi yanılmاسın kulaa nazlandıran laf-larlan.

5 Zerä, makar ki güüdeycesinä bul-nümêrim aranızda, duhça sizinnän-im. Görüp nekadar tertipliysiniz hem nekadar kaavi inanêrsınız İisus Hristoza, bän çok sevinerim.

Hakina kesiklik

6 Onuştan, nicä kablettiniz Saabi İisus Hristozu, ölä dä Onda yaşayın.

7 Kökleşin hem temellenin Onda, kaavileşin inanda, nicä üürendiniz, herzaman şükür ederäk Allaha.

8 Bakın, kardaşlar, ki birkimsey sizi esir almasın filosofluklan, boşuna aldangaç laflarlan, insanın adet-lerinä görä, bu dünneyin başlankı üüremeklerinä görä, ama diil Hris-toza görä.

9 Zerä Onda güüdeycesinä bulu-nêr Allahın bütün tamannii.

10 Odur, Kim herbir kullanıcılın hem zaabitlii Başı, Onda siz dä ta-man oldunuz.

11 Ondan kesikli oldunuz diil bir el kesikliinnän, ama soyunarak tencä

tabeetlerinizdän kesikliklän, ani Hris-tos yaptı,

12 Onunnan gömülüp vaatizliktä, hep Onunnan dirildiniz inannan Al-lahin kuvedinä, Angısı Onu ölüdän diriltti.

13 Siz ölüydünüz, zerä günah ya-pardınız hem güüdeycesinä diildi-niz kesikli. Ama Allah sizä yaşamak Hristozlan verdi. Zerä O baaşladı hepsi bizim günahlarımızi.

14 O bizim borç yazımızı sildi, ani sıralarının bizä karşıdy da kabaatlı ciòkarardı. Onu aradan alip, stavro-za kaktı.

15 Gökteki kullanıcıların hem zaabitlerin silâhlarını aldı, stavrozlan gezdirip onnarı ensemäk paradında, herkezin gözü önündä utandırdı.

Aldanmayın yanniş üüremeklerä

16 Onuştan kimsey sizi imäk için, içmäk için, bir yortu için, eni ay için eki cumertesi için kabaatlandırmasın.

17 Bunnar gelär vakıdin gölgesi-dir, ama asılık Hristozda.

18 Kimsey baaşınızı kapmasın, isteyeräk, olasınız müünüz hem verili angillerä. Bölä bir adam karışêr on-nara, ne kendi görmedи, boşuna ka-barêr kendi tenin fikirinnän

19 da tutunmêr Baştan, Kimdän bütün güüdä ekleri hem baalantılıları yardımınınnan beslener hem birleşti-riler, da başarırê, büüyeräk Allahım yardımınınnan.

20 Eer siz, ölleräk Hristozlan bilä, dünneyin başlankı üüremeklerindän kurtuldusayıdnız, ozaman neçin siz, sansın dünnedä yaşayannar, bu sıra-ları tutêrsınız:

21 «Diimä», «datma», «dokunma».

22 Hepsi bu sıralar verildi o işlär için, ani kullanıldıça yok olêr. Bunnar – insan emirleri hem adam üüretmekleri.

23 Bu sıralar yapınar allahçılıklan, tutaklıklan hem güüdeycä zeetlen-mäklän aarif görünür, ama tenin istediklerini durgutmak için onnarın faydası yok.

Hristozda eni yaşamak

3 Ölä ki, çünkü dirildiniz Hristozlan bilä, verilin gökteki işle-rä, neredä Hristos Allahın saa tara-fında oturêr.

2 Düşünün gökteki işlär için, ama diil erdeki işlär için.

3 Zerä siz öldünüz, yaşamınız Hristozlan saklı Allahta.

4 Acan Hristos, sizin yaşamınız, gösterilecek, ozaman siz dä metin-niktä Onunnan barabar görüneceiniz.

5 Onuştan öldürün, ne var sizdä erdän: orospuluu, diilpaklı, düskün-nüü, kötü havezlii hem tamahlii, ani hep ölä, nicä dä baş iiltmäk idollara.

6 Bunnarın beterinä Allahın üfkesi geler seslämeyän insannın üstünä.

7 Vakıdin birindä siz dä bu yollar-da gezdiniz, açan o insannın ara-sında yaşardınız.

8 Ama şindi hepsindän brakılın: üfkedän, kizginnıktan, kötü neettän. Kötü laflar, ayıp sözlär çıkışın-aazınızdan.

9 Biri-birinizä yalan sölämeyin, zerä soyundunuz eski adamdan kötü yaptıklarının bilä,

10 da giindiniz eni adami, angısı taazelener, ölä ki ii tanışın Allahi, Yaradıcısını, da Ona benzesin.

11 Burada yoktur ayırmak urum, iudey, kesikli, kesiksiz, varvar, skif,

çırak hem serbest arasında. Hristos – hepsidir hem hepsindä.

¹² Onuştan giinin, nicä Allahın seçilmişleri, ayoz hem sevgili, acı-yannı, iiili, yavaşlıı, yalpaklıı, sa-burluu.

¹³ Biri-birinizä dayanın, eer bir-kimsey küstüysä başkasına, siz dä biri-birinizi afedin, nicä Saabi sizi afetti.

¹⁴ Hepsinin üstünä giinin sevgiyi, angısı bir sincirdir, ne tutar hepsini birlık içindä.

¹⁵ Hristozun usluluu çorbacılık et-sin sizin üreklerinizdä. Bu uslulaa siz çaarılmışınız, nicä bir güüdenin ekleri. Şükür olun.

¹⁶ Hristozun Sözü sizdä erleßsin taşkinnıktan. Üüredin hem akıl ve-rin biri-birinizä psalmalarlan, me-tinnik laflarının hem duhça türkül-lärlän, şükürlüklän metederäk Saabi-yi ürektän.

¹⁷ Ne dä yaparsanız – laflan mı, işläñ mi – hepsini Saabi İisusun adı-na yapın, da şükürlük getirin Allah Bobaya İisusun yaptıkları için.

Aylä hem iş baalantuları

¹⁸ Siz, karilar, ön verin kocalarını-zı, nicä Saabiyä yakışr.

¹⁹ Siz, kocalar, sevin karılarını-zı da onnarlan sert olmayın.

²⁰ Siz, uşaklar, analarınızı-boba-larınızı sesleyin herbir iş üzerä, zerä bunu Saabi beener.

²¹ Siz, bobalar, debeştirmeyin uşakları, ki umudu kaybetmesinnär.

²² Siz, çıraklar, erdeki çorbacıla-rınızı herbir iş üzerä sesleyin da iz-met edin diil sade onnarın gözleri öündä, kendinizi beendiräsınız, ama pak ürektän, Saabidän korkarak.

²³ Ne dä yaparsanız, yapın bütün ürektän, nicä Saabiyä, ama diil nicä insana.

²⁴ Unutmayın, ani Saabidän mi-ras alacenez baasış gibi, zerä izmet edersiniz Saabi Hristoza.

²⁵ Ama kim dooru İslämeyecek, kendi işinä görä kabledecek, zerä Hristozda hiç yok üzünä bakmak.

4 Siz, çorbacılar, verin ne düşer çıraklıra, da hepsini birtürlü sayın, bileräk, ani sizin dä var Çor-bacınız göktä.

Hertürlü nasaatlar

² Herzaman verilin duaya. Dua edärkän, kuşku olun hem şükür edin.

³ Dua edin bizim için dä, ki Allah açsun bizä bir kapu nasaat için, ki ha-berleyelim Hristozun saklılığını, an-gısı için kapana düştüm,

⁴ ki bunu açık bildiräbileyim, da, nicä düşer, lafedeyim.

⁵ Klisedän dışanda olannarlan gö-türün kendinizi aarifliklän, vakıdi paaya koyup.

⁶ Sizin lafiniz herzaman hayırlı olsun, tuzlanmış, ki biläsiniz, nicä düşer herkezinä cuvap etmää.

Bitki selämnär

⁷ Sizä, benim için hepsini söleye-cek Tihik, bizim sevgili kardaş hem inanç yardımcı, hem kafadar Saabi-nin izmetindä,

⁸ angısını sizä maasuz yolladım, ki annasın halınızı da üreklendirsin sizi.

⁹ Onunnan bilä yolladım Onisimi dä, angısı inanç hem sevgili kardaş-tır sizin aranızdan. Onnar söleye-cekler sizä hepsini, ne burada olêr.

¹⁰ Seläm yollêr sizä Aristarh, ani kapalı benimnän barabar, hem Mark, Varnavanın teyzä oolu, angısı için siz simarlamak aldınız, ki geldiynän kabledäsiniz onu,

¹¹ hep ölä İisus, angısına dener İust. Kesikli olannardan yalnız bunar işleerlär benimnän bilä Allahın Padışahlı için. Onnar üreemi serin-nettilär.

¹² Seläm yollêr sizä Epafras, İisus Hristozun çira, ani sizdän. O herzaman çalışkan sizin için dua-da, ki olasınız taman hem kaavi inanda, tanıyarak hepsini, ne isteer Allah.

¹³ Shaatlık ederim onun için, ani o çok çalışkan sizin için hem onnar

için, kim Laodikiya hem İerapol ka-sabalarında bulunêr.

¹⁴ Seläm yollêr sizä Luka, sevgi-li doftor, hem Dimas.

¹⁵ Selämneyin kardaşları Laodikiya kasabasından, hem Nimfayı hem kli-seyi, ani bu karının evindä toplanêr.

¹⁶ Bu kiyat aranızda okunduktan sora, bakın da verin, Laodikiya kli-sesinä okusunnar. Siz dä okuyun ki-yadi, ani Laodikiyadan gelecek.

¹⁷ Söleyin Arhipä bölä: «Bak da tamanna izmetçili, ani kablettin Saabidän».

¹⁸ Bän, Pavli, yazêrim bu selâmi kendi eliminän. Unutmayın benim sincirlerimi. Sizinnän iivergi olsun. /Amin./

PAVLİNİN İLK KİYADI

SALONİKLİLERÄ

Seläm

1 Bän, Pavli, Siluan hem Timofey seläm yollêîr Salonic klisesinä, angısı Allah Bobanın hem Saabi İisus Hristozun. İivergi hem usluluk sizä /bizim Allah Bobadan hem Saabi İisus Hristozdan/.

Hakna inan

2 Herzaman şükür ederiz Allah'a hepsiniz için da anêriz sizi bizim dualarımızda.

3 Dayma anêriz bizim Allah Bobanın öündä, nesoy inannan işleersiniz, nesoy sevgiylän savaşêrsınız, da nekadar dayanêrsınız, umudu koyarak bizim Saabi İisus Hristoza.

4 Allahtan sevilmiş kardaşlar, bileriz, nesoy seçildiniz.

5 Zerä İi Haberi getirmedik sizä salt laflan, ama kuvetlän, Ayoz Duhan hem çok kaavi inannan, nicä bilersiniz, nesoy götürdük kendimizi sizin hatırlınız için, açan sizdeydi.

6 Siz bizä hem Saabyä benzär oldunuz, kaledip Allahın sözünü çok zeet içindä, sevinmeliklän, ani geler Ayoz Duhtan.

7 Ölä ki, örnek oldunuz hepsi inancılara Makedonyada hem Ahyada.

8 Zerä sizdän daaldı Saabinin sözü. Haber etişi sizin Allah'a inanınız için, diil sade Makedonya hem Ahaya erlerinä, ama hereri, ölä ki

yok lääzimnık sizin için bişey söleymel.

9 Zerä onnar kendileri söleerlär, nesoy kablettiniz bizi, açan geldik, da nicä idollardan Allaha döndünüz, ki hakına hem diri Allaha izmet edäsim,

10 da bekleyäsiniz göktän Onun Oolunu, Angısını O diriltti ölümdän, İisusu, Angısı kurtarêr bizi Alahan gelän üfkesindän.

Pavlinin izmetçiliii Saloniktä

2 Siz kendiniz bilersiniz, kardaşlar, ani bizim gelmemiz sizä olmadı naafilä.

2 Açan taa ileri zeetlendik hem gücendirilmiş olduk, nicä bilersiniz, Filip kasabasında, Allahımız bizi girginnetti, ki nasaat edelim sizä Alahan İi Haberini, bakmayarak çok karşılıaa insandan.

3 Zerä açan çaaardık sizi inana, bizzä yoktu yalan eki diilpak neetlär, yada şalvirlük.

4 Ama çunkü Allah saydı bizi uygun, ki inandırsın bizä İi Haberi, bakkêriz, ölä lafedelim, ki beendirelim kendimizi diil insana, ama Allah'a, ani adamin üreeni deneer.

5 Nicä ii bilersiniz, bir sıra bilä sizä sölämedik yaltıklı laflar, ne dä perdä çektilik, ki saklayalım tamahlü. Allah bizä saat.

6 İnsannardan metinnik aaramadık, ne sizdän, ne dä başkasından.

7 Biz, Hristozun apostolları,vardı nasıl aarlık koyalım sizin üstünüzä. Ama biz kendimizi yalpak götürdük sizinnän, nicä bir ana kendi usaklırını doyuran.

8 Zerä biz sizä ölä ürektän baalandık, ani kayıl olduk payetmää sizinän diil sade İi Haberi Allah için, ama bizim kendi kannarımızı da, zerä okadar pek sevdik sizi.

9 Siz aklınıza getirin, kardaşlar, bizim aar işimizi hem savaşmamızı, nicä gecä-gündüz işledik, ki sizdän kimseyä aarlık yapmoyalım, da naaat ettik sizä İi Haberi Allah için.

10 Siz diri saatlarsınız, hep ölä Allah da, nekadar ayoz, dooru hem lekesiz götürdük kendimizi sizin, inancıcların, önungä.

11 Nicä bilersiniz, herkezinizlän olduk, nicä bir boba kendi usaklırinnan, sizi girginnettik, iilendirdik

12 hem özendirdik, ki götüräsınız kendinizi yakışıklı Allaha, Angısı çaaardı sizi Kendi padişahluna hem Kendi metinniinä.

13 Onuştan biz herzaman şükür ederiz Allaha, ki kaledip Allahın sözünü, ani işittiniz bizzän, kablettiniz diil nicä adam sözünü, ama nicä Allahın sözünü, nicä dä hakına var hem angısı sizdä, inancılarda, işleer.

14 Zerä siz, kardaşlar, oldunuz benzär Allahın kliselerinä İudeyada, angıları İisus Hristoza baali, zerä siz dä çektiliniz kendi vatandaşlarınızdan, ne onnar çektilär iudeylerdän,

15 ani öldürdüllär Saabi İisusu hem Allahın proroklarını, bizi dä kooladılar. Allah gücendirerlär hem hepsi insana karşı durêrlar,

16 zerä köstek koyêrlar bizä, naaat edelim başka milletlerä, kurtulsunnar deyni. Bununnan dayma dolurêrlar

Pavlinin gelmesi oyalanêr

17 Kardaşlar, biz ayrıldık sizdän bir vakıda üzlän, ama diil ürekeln. Onuştan okadar taa büyük havezlän çalıştık görelim sizin üzünüüz.

18 Hakina, ani istedik sizä gelmää. Bän, Pavli, bir-iiki sıra istedim geleyim, ama şeytan bizä köstek koydu.

19 Zerä kim bizim umudumuz eki sevinmemiz, kim o fenet, neylän biz üynecez Saabimizin İisus Hristozun karşısında Onun gelmesindä? Diil mi siz?

20 Dooru, ani sizsiniz – onnar, kiminnän biz üzeriniz hem sevineriz.

3 Onuştan, sindän sora dayanamayarak, biz kayıl olduk yalnız kalalım Afina kasabasında,

2 da yolladık Timofeyi, bizim kardeşi hem kafadarı Allah için, ki Hristozun İi Haberini nasaat etsin da kaa-vilesin hem girginnetsin sizi inanda,

3 ki kimsey sarsalanmasın bu zeetlerdä. Zerä siz kendiniz bilersiniz, ani bizim ölä kismetimiz.

4 Biz açan sizdeydi, önce söleddik, ani zeet çekecez, ölä dä razgeldi, nicä bilersiniz.

5 Onuştan bän zeedä dayanamayarak, yolladım Timofeyi, ki annayım sizin inanınız için. Korkardım, ani birtürlü sizi deneyici* aldatmasın, da bizim işimiz boşuna kalmasın.

* 3:5 Deneyici – şeytan.

Gözäl haber Saloniktän

⁶Ama şindi, açan sizdän geldi Timofey da getirdi bizä ii haber sizin inanınız için hem sevginiz için, hem ani siz bizi herzaman ii laflan anêrsınız da isteersiniz görmää bizi, nicä dä biz sizi,

⁷bizim kahırimızda hem zorlumuzda iilendik sizinnän, kardaşlar, sizin inanınız için.

⁸Zerä biz sefa yaşêîrîz, açan siz Saabidä kaavi durêrsınız.

⁹Nesoy şükürlük var nicä getirelim Allaha sizin için, büyük sevinmäk için, ani kablettik sizdän bizim Allahn öñündä.

¹⁰Gecä-gündüz bütün ürektän dua ederiz, ki görelim sizin üzünü da dolduralım, ne etişmeer sizin inanda.

¹¹Kendi bizim Allah Boba hem Saabimiz İisus Hristos doorutsun bizim yolumuzu sizä.

¹²Saabı zeedolesin hem taştırsın sevginizi biri-birinizi hem hepsinä, nicä dä biz sizi severiz,

¹³ki kaavilesin üreklerinizi, ayozlukta olasınız kabaatsız bizim Allah Bobanın öñündä bizim Saabi İisusun gelmesindä hepsi ayoz halkınnan. /Amin./

Beendirin kendinizi Allaha

4 Bitkidä, kardaşlar, isteरeriz hem yalvarêriz sizä İisus Hristozun adınınan, nicä kablettiniz bizdän, taşyin hem beendirin kendinizi Alla-ha, nicä düşer, nicä dä yapêrsınız, bunda taa ilerleyiniz.

²Zerä siz bilersiniz, ne sımarlamaklar verdik sizä Saabi İisustan.

³Çünkü Allahın istedii budur: ayoz olasınız hem zapedäsiniz kendinizi orospuluktan.

⁴Herkeziniz bilsin korumaa ken-di güüdesini ayozlukta hem saygılikta,

⁵ama diil düskün istemeklerdä tay-fannar gibi, ani Allahı bilmeerlär.

⁶Bu üzerä kimsey, sırayı basıp, kardaşını gücendirmesin, zerä Saabi hepsi bu günahlar için cezalêer, nicä biz baştan sizä söledik hem anattık.

⁷Çünkü Allah çarmadı bizi diil-paklaa, ama çäardı ayozlaa.

⁸Onuştan, kim paaya koymêr bu sırayı, paasızlandırıêr diil insanı, ama Allahi, Angısı verdi bizä Ayoz Duhu.

⁹Kardaş sevgiliî için hiç yok zo-rum yazmaa sizä, zerä siz kendiniz Allahtan üredilmiş oldunuz sevmää biri-birinizi.

¹⁰Aslı, ani seversiniz hepsi kardaşları, kim bulunêr Makedonyada, ama sizä yalvarêriz, kardaşlar, bu üzerä taa ilerleyin.

¹¹Çalışın uslulukta yaşamaa, ken-di işinizä bakmaa hem kendi elli-neriñläñ işlemää, nicä biz sizä simarladık,

¹²ki götüräsiniz kendinizi yakışıklı dışankılarım öñündä da, kimseyä zorunuz olmasın.

İisusun ikinci gelmesi

¹³Kardaşlar, istämeerim sizi bilmezlikte brakmaa ölüläär* için, ki kahırlanmayasınız, nicä kalan umut-suz insannar.

¹⁴Eer biz inanarsak, ani İisus ölü da dirildi, hep ölä inanalım, ani

* 4:13 Ölüler – urumca «uyumuş olannar». Hep bu laf geçär 14-cü hem 15-ci sıralarda da.

Allah İisuslan geeri getirecek onna-ri, kim İisusa inanarak öldü.

¹⁵Zerä bunu sizä Saabinin sö-zünnän söyleeriz, ani biz, dirilär, eer yaşamakta kalarsak Saabinin gel-mesindä, ölülerin öünü geçmeyecez.

¹⁶Zerä Saabi Kendi göktän inecek, sesederâk bir arhangil sesinnän hem Allahn borusunnan, da onnar, kim öldü Hristoza inanarak, ilkin kalkaceklar.

¹⁷Sora biz, diri olannar, eer yaşa-makta kalarsak o vakitta, onnarlan bilä alınacez Saabiyi karşılamaa gö-kün altında da bütürlü Onunnan hojma birerdä olacez.

¹⁸Ölä ki, bu laflarlan üreklen-dirin biri-birinizi.

5 Kardaşlar, bu oluşlar için yok zorluk yazmaa sizä, ne vakit hem ne günnerdä olacak,

²zerä kendiniz ii bilersiniz, ani Saabinin günü gelecek, nicä bir hır-sız gecä geler.

³Ozaman, açan deyecklär «us-luluk hem korkusuzluk», ozaman ap-ansızdan bela üstlerinä gelecek, nicä karının duumak sancıları, da kurtulamayaceklar.

⁴Ama siz, kardaşlar, diilsiniz ka-rannikta, ki o gün tutsun sizi hırsız gibi.

⁵Zerä siz hepsiniz aydînnik ool-ları, gündüz oolları, diiliz ne gecä, ne dä karannik uşakları.

⁶Onuştan uyumayalım, nicä kalani, ama ayık hem uyanık ola-lım.

⁷Çünkü uyuyannar gecä uyu-yêrlar, içkicilär dä gecä sarfoş olêrlar.

⁸Ama biz gündüz oolları, onuştan lääzim ayık olalım, güüsümüzä inan hem sevgi zirhini giiyelim, ba-şımıza kurtulmak umut başlığını ta-kalim.

⁹Çünkü Allah bizi üfkesi için ayırmadı, ama kurtulmak edenelim bizim Saabi İisus Hristos adından,

¹⁰Angısı öldü bizim için, ki biz uyanıkız mı, uyuyêriz mi, yaşıya-lım Onunnan bilä.

¹¹Onuştan biri-birinizi üreklen-dirin hem duhça kaavileyin, nicä dä yapêrsınız.

Bitki nasaatlar hem selämnär

¹²Yalvarêriz sizä, kardaşlar, ha-tırlayıñ sizdeki işçileri, ani sizi kul-lanêrlar Saabinin yolunda hem akıl vererlär.

¹³Onnara en büyük saygı hem sevgi gösterin onnarın işi için. Biri-biri-nizlän barışmakta yaşayın.

¹⁴Sizä yalvarêriz, kardaşlar, akıl verin kasavetsizlerä, üreklendirin korkakları, yufkaları arkalayın, hep-sinnän saburlu olun.

¹⁵Bakın, ki kimsey kötülük için kötülük çevirmesin, ama çalışın her-zaman ililik yapmaa biri-birinizi hem herkezinä.

¹⁶Herzaman sevinin.

¹⁷Dayma dua edin.

¹⁸Herbir halda şükür edin, zerä ölüdir sizin için Allahın istedii İisus Hristozda.

¹⁹Ayoz Duhu süündürmeyin.

²⁰Prorokluu paasızlandırmayın.

²¹Hepsini deneyin, ne ii, ondan tutunun.

²²Yıraklıların hertürlü kötülüktän.

²³Usluluk verän Allah bütünnä sizi ayozlasın. Sizin duhunuz, canı-

nız hem güüdeniz bütünnä kedersiz korunsun bizim Saabi İisus Hristozun gelmesindä.

²⁴ Sizi çaarən Allah inançtir, O bunnarı yapar.

²⁵ Kardaşlar! Dua edin bizim için.

²⁶ Selämneyin hepsi kardaşları ayoz öpüslän.

²⁷ Saabinin adınnan simarlêêrim, okuyun bu kiyadı hepsi /ayoz/ kardaşlara.

²⁸ İivergi olsun sizinnän bizim Saabi İisus Hristozdan. /Amin./

PAVLİNİN İKİNCİ KİYADI SALONİKLİLERÄ

Seläm

1 Bän, Pavli, Siluan hem Timofey seläm yollêêriz Salonik klisesinä, angısı Allah Bobanın hem bizim Saabi İisus Hristozun.

² İivergi sizä hem usluluk bizim Allah Bobadan hem Saabi İisus Hristozdan.

Gelän daava

³ Herzaman doorulaa görä borçluyuz şükür edelim Allaha sizin için, kardaşlar, zerä inanınız pek büüyer hem sevginiz biri-birinizä zeedelener.

⁴ Ölä ki, biz kendimiz ünneriz sizinnän Allahın kliselerindä, sizin dayanmanızlan hem inanınızlan hepsi koolamaklarda hem zeetlerdä, ani siz geçirersiniz.

⁵ Hepsi bunnar açık gösterer Allahın dooru daavasını, ki siz uygun sayılısının Allahın Padişahlı için, neçin şindi zeetlenersiniz.

⁶ Zerä doorudur Allaha görä, ki zeetleyennerä çevirsin zeet,

⁷ ama sizä, zeet çekennenrä, raatlık bizimmän bilä Saabi İisusun gelmesindä göktän, kaavi angillerinnän barabar,

⁸ alifli ateştä. O cezalayacak onnarı, kim tanımêér Allahi hem seslämeer İi Haberi bizim Saabi İisus /Hristos/ için.

⁹ Onnar cezalanacek diveç ölümnän, Saabinin üzündän hem Onun yalabıklı kudretliindän yıraklınlı,

¹⁰ o günü, açan O gelecek, ki metinnensin ayoz halkından hem şasmaya koysun hepsi inancıları. Zerä siz bizim saatlimizi inandınız.

¹¹ Tä bunun için herzaman dua ederiz sizin için, ki bizim Allah sizi uygun yapsın çarmasına da kuvedinnän tamannasın herbir ii neetini zi ililik yapmaa hem herbir işi, ne inannan yapêrsınız.

¹² Ölä ki metinnensin bizim Saabi İisus /Hristozun/ adı sızdä, siz dä Onda, bizim Allahın hem Saabi İisus Hristozun iivergisinnän.

Zakonsuz adam

2 Bizim Saabi İisus Hristozun gelmesi için hem bizim Ona toplanmamız için lafedelim. Yalvarêriz sizä, kardaşlar,

² çabuk şüpeyä düşmeyin hem ürk-meyin ne bir duhtan, ne bir laftan, ne dä sansın bizdän yollanmış bir kıyattan, sanarak, ani Hristozun günü geldi.

³ Kimsey sizi birtürlü aldatmasın. Zerä o gün gelmeyecek ilkin olmayınca inandan atılmak hem açılmayınca zakonsuz adam, angısının sonu – kayıplık.

⁴ O karşı duracek hem kendini üuseklendirecek hepsindän taa çok, neyä dener Allah eki neyä baş iildiler, ölä ki Allahın Ayoz binasında oturacek, sansın o Allah, da kendini Allahın erinä koyacek.

⁵Tutmêerrsınız mı aklınızda, açan taa sizdeydim, bän bunnarı söledim.

⁶Bilersiniz, ne şindi durgudêr onu, ki açılsın kendi vakıdında.

⁷Zerä zakonsuzluun saklı kuvedi şindi dä işleer, salt o vakıdadan, açan O, Kim şindi onu durgudêr, ortalıktan alınacek.

⁸Ozaman zakonsuz olan açılacak, angısını Saabi İisus öldürerek Kendi aazından soluunnan da telef edecek Kendi gelmesinin peydalanmasında.

⁹Zakonsuz olanın gelmesi şeytanın işindan olacek, angısı faydalâîer hertürlü kudretli yaptıkları, aldadıcı nişannarı hem şâşmaklı işleri,

¹⁰hem hertürlü kötü şalvirlili, ki kayıplık yolunda olannarı aldatsın. Onnar kaybeleceklär, zerä istämeer-lär sevmääaslılı, kurtulsunnar deyni.

¹¹Onuştan Allah onnara bir aldadıcı kuvet yollêîer, ki inansınnar yalani,

¹²ki daava kesilsin hepsinä, kim inanmêîer aslılı, ama mayıl olêr ya-lana.

Olun kaavi!

¹³Biz lääzim herzaman şükür edelim Allaha sizin için, sevgili kardaşlar, ani Allah seçti sizi, ki ilk kurtullannar olasınız Duhun ayozlamasın-nan hem inannan aslîlaa.

¹⁴Bunun için O çaaardı sizi İi Ha-berlân, angısını nasaat ettik, ki edenâbilâsiniz Saabi İisus Hristozun metinnini.

¹⁵Onuştan, kardaşlar, kaavi olun hem tutun üüremekleri, ne üürendiniz laflan yada bizdän yollanmış kiyatlan.

¹⁶Kendisi bizim Saabi İisus Hristos hem bizim Allah Bobamız, ani

sevdi bizi da iivergisinnän diveç gir-ginnik hem kaavi umut verdi,

¹⁷ko sizi ürek lendirsün hem kaa-vilesin herbir ii işläñ hem laflan.

Dua edin bizim için

3 Bitkidä, kardaşlar, dua edin bi-zim için, ki Allahın sözü çabuk daalsin hem metinnensin, nicä dä sisdä,

²da kurtulalim esapsız hem kötü adamnardan, zerä hepsindä inan yok.

³İnançtır Saabi, Angısı kaavile-yecék sizi hem kötü olandan koru-yacek.

⁴Biz umut koyêriz Saabiyä sizin için, ani siz tamannêerrsınız hem ta-mannayaceniz onu, ne biz sizä si-marlêîeriz.

⁵Saabি doorutsun sizin ürekleri-nizi Allahın sevgisinä hem Hristo-zun dayanmasına.

⁶İisus Hristozun adınnan simar-lêîeriz sizä, kardaşlar, yıraklanasınız herbir kardaştan, ani haylazlıkta ya-şêér, diil o üüremeklerä görâ, ani bizdän kablettiniz.

⁷Siz kendiniz bilersiniz, nesoy lääzim benzeyäsiniz bizä, zerä biz sisdä diildik haylazlıkta.

⁸Kimseyin ekmeeni cabadan ime-dik, ama işledik hem savaştık, çali-şarak gecâ-gündüz, ki aarlık yapma-yalim sizä.

⁹Diil, ani yok dooruluumuz aar-lık yapmaa, ama kendimizi verdik sizä örnek, ki bizä benzeyäsiniz.

¹⁰Açan biz taa sisdä bulunardık, sizä bunu simarladık: kim istämeer işlesin, o düşmeer isin dä.

¹¹Biz işideriz, ani kimileri sizdän haylazlıkta ya-şêér, hiç iş yapmêîer, ama herbir işä karışêlar.

¹²Bölelerinä simarlêîeriz hem na-saat vereriz bizim Saabi İisus Hris-tozun adınnan, ani onnar uslulukta işlesin-när da kendi ekmeeni isin-när.

¹³Ama siz, kardaşlar, yorulmayın ililik yapmaa.

¹⁴Eer birkimsey seslämärseydi bizim laflarımızı bu kiyattan, onu nişannayıñ da onunnan baalantınız olmasın, ki utandırılsın.

¹⁵Salt saymayın onu nicä bir duş-manı, ama akıl verin nicä bir kardaşa.

Son selämnär

¹⁶Kendi usluluk verän Saabi baaş-lasın sizä usluluk herzaman hem her-bir iş üzerä! Saabi sizinnän hepsi-nizlän olsun.

¹⁷Bän, Pavli, bu selämi yazêrim kendi elimin-nän. Bu benim nişanım hepsi kiyatlarimda. Bän bölâ yazêrim.

¹⁸Bizim Saabi İisus Hristozdan iivergi olsun hepsinizlän. /Amin./

PAVLİNİN İLK KİYADI TİMOFEYÄ

Seläm

1 Bän, Pavli, İisus Hristozun apostolu, sıralanmış bizim Kurtarıcı Allahtan hem Saabi İisus Hristozdan, Angısında bizim umudumuz,

² seläm yollêrim Timofeyä, benim hakına uşaama inanda: iivergi, acıyannık, usluluk Allah Bobadan hem Hristos İisustan, bizim Saabidän.

Korun yanniş üüretmeklerdän

³ Nicä Makedonyaya gidärkän yalvardım sana, läätzim kalasın Efes kasabasında, ki simarlayasın bir boyuna, üüretmesinnär başka türlü

⁴ da verilmesinnär masallara hem senselä laflarına, angısının yok bitkisi. Bunnar taa çok çekîş debeşterir, nekadar Allahin sırasını düber, ani inandan geler.

⁵ Bu simarlamânın keezi* – sevgi bir pak ürektän, temiz neettän hem diil iküzlü inandan.

⁶ Kimisi saptı bunnardan da boşuna laflara dakındilar.

⁷ İsteerlär Zakon üüredicileri ol-sunnar, ama annamêîrlar ne kendi laflarını, ne o işleri, nelär için kiyışmaklan lafederlär.

⁸ Biz bileriz, ani Zakon ii, eer dooru faydalansısaydı.

⁹ Zerä bileriz, ani Zakon diil kuru-lu dooru olannar için, ama zakonsuz-lar için hem baş iiltmeyennär için, allahsızlar için hem günahkerlär için,

onnar için, ani diil ayoz hem paaya koymêîrlar onu, ne ayoz, ana-boba-larını düüyennär hem adam öldü-rennär için,

¹⁰ orospuluk edennär için, gomo-seksualistlär için, çırak cambazları için, yalancılar için, emini tutma-yannar için hem başka hepsi için, ne karşı durêr saa üürenmeyä,

¹¹ metin Allahin şanni îi Haberinä görä, ani bana inandırıldı.

Allahin aciyanu

¹² Şükür ederim İisus Hristoza, bi-zim Saabiyä, Angisi beni kaaviletti, zerä O saydi beni inanç da aldi izmetinä,

¹³ makar ki bän öncä bir kötüleyici, koolayıcı hem zulumdum. Ama O acıdi beni, zerä yapardım bunnarı bilgisizliktän hem inansızlıktan.

¹⁴ Ama bizim Saabinin hayatı ba-na bol-bol verildi inannan hem sev-giylan bilä, ani var İisus Hristozda.

¹⁵ Aslidir hem yaraşêr, ki herke-zindän kabledilsin o söz, ani deer: «İisus Hristos geldi bu dünneyä, ki günahkerleri kurtarsın», angıların-dan bän en kötüsüyüm.

¹⁶ Ama Allah beni acıdi, ki İisus Hristos ilkin bendä göstersin kenar-sız dayanmasını, da örnek olabile-yim onnara, kim Ona inanacak da diveç yaşamak edenecek.

¹⁷ Diveç Padişaha – ölümsüz, gö-rünmâz, biricik Allah'a – diveçtän dive-cä ikram hem metinnik olsun. Amin.

* 1:5 Keez – amaç, neet.

Asker ii centkä

¹⁸ Oolum Timofey, bu simarlama-yi sana vererim prorokluk sözlerinä görä, ani öncä sölendi senin için, ki o sözlärلن asker olasin ii centkä

¹⁹ da koruyasın inanı bir pak üz-län, nedän bir boyu atıldı da inanna-rını telef etti, nicä bir gemi, ani taş-lara çarpér.

²⁰ Onnarin arasında bulunêr İme-ney hem Aleksandru, angılarını brak-tim şeytanın elinä, ki üürensinnär, ani düşmeer Allahı kötûlemää.

Dua klisedä

2 Onuştan hepsindän öncä nasaat vererim, dualar, istemeklär, yal-varmaklar hem şükürlär edilsin hep-si insan için,

² padişahlar için hem hepsi üusek zaabitlär için, ki geçirelim raat hem uslu bir yaşamak, bütün verilmâk-län Allah'a hem kendinizi dooru gö-türmâklän.

³ Zerä bu iidir hem yakışıklı bi-zim Kurtarıcı Allah'a,

⁴ Angisi isteer, ki hepsi insan kur-tulsun hem etişsin, ki asılılı tanisin.

⁵ Zerä bir Allah hem bir Aracı Al-la-hin hem insanın arasında, adam İisus Hristos.

⁶ O verdi Kendini kurban, ki kur-tarsın hepsi insanı. Uygun zamanda bunun için shaatlik edildi.

⁷ Bunun için bän koyuldum ha-berci hem apostol. Dooru söleerim*, yalandırmêîrem. Koyuldum, ki üüre-deyim milletleri inana hem asılılaa.

⁸ Onuştan isteरim, ki hererdä adamnar dua etsinnär, kaldırıp pak ellerini, üfkесiz hem çekişsiz.

⁹ Hep ölä karilar da yakışıklı gi-in-sinnär utanmaklan hem saa fikirlän, diil saçlarını kabardarak örsünnär eki donansinnar altinnan, sedeflän yada paalı rubaylan,

¹⁰ ama donatsinnar kendilerini iilik yapmaklan, nicä yakışêr karila-ra, angılar deerlär, ani verildilär Al-la-ha.

¹¹ Karı usluluklan, ön vererák, üürensin.

¹² İzin vermeerim karı üüretsin eki çorbaci olsun kocasına. O uslu-lukta üürensin;

¹³ zerä ilkin yaradıldı Adam, sora Eva,

¹⁴ hem Adam aldadıldı, ama karı aldadıldı da günaha düştü.

¹⁵ Ama karı kurtulacek Uşaan duumasınnan**, eer saa fikirlän yaşarsa inanda, sevgidä hem ayoz-lukta.

Klisenen kullanıcılıarı

3 Ashîdr o söz, ani kim özener episkop*** olsun, havez ii işä.

² Onuştan episkop läätzim olsun maanalananmaz tabeetli, bir kariyan evli, ayık, saa fikirli, esaplı, musaa-firci, becerik üüretmää.

³ Olmasın sarfoşcu, düüşçü, /ta-mah/, ama yalpak olsun, kavga et-mesin, para sevmesin.

⁴ İi kullansın kendi evini, ölä ki usâkları bütün saygıylan ön ver-sinnär.

* 2:7 Söleerim: kimi tekstlerdä «söleerim Hristozda». ** 2:15 Uşaan duumasınnan – Hristozun gelmesinnän. Kimi çevirmeklerdä: «uşak duudurmaklan» yada «aşcan usâk duudurêr». *** 3:1 Episkop – yada «gündüçü».

5 Zerä kim kendi evini kullanmaa becermeer, nesoy var nasıl güdäbil-sin Allahın klisesini?

6 Olmasın inana eni dönmüşler-dän, ki hodullanmasın da diavol gibi kabaatlı kalmasın.

7 Lääzim, ki klisedän dışanda olan-nardan bir ii insan gibi taninsın, baş-ka türlü onnardan maanalanar hem düşär diavolun kapkanına.

8 Hep ölä diakonnar da düşer, say-gili olsunnar, lafini basan olmasın-nar, içkicilää verilmesinnär, tamah olmasinnar,

9 inanın saklılımı pak üzlan koru-sunnar.

10 Bunnar da öncä lääzim denen-sinnär, sora izmet etsinnär, eer on-narda kusur olmara.

11 Hep ölä karilar saygili olsun-nar, fitleyici olmasinnar, ayik olsun-nar, inanç herbir iş üzerä.

12 Diakonnar olsun bir kariyilan evli, ii kullansinnar uşaklarını hem kendi evlerini.

13 Zerä diakonnar, kim ii izmet eder, kendilerinä ikram edener hem çok kiyışmak edenerlär inannarında İisus Hristoza.

Büyük saklılık

14 Umutlanêrim tezdä geleyim sa-na. Ama sana bunnarı yazêrim,

15 ki, eer birtürlü oyalanarsam, sän biläsin, nicä düşer götürmää kendini Allahın evindä, ani var diri Allahın klisesi, asılılin dirää hem temeli.

16 Hiç lafsız, Allahın yolunun sak-lılı büktür: Allah tencä gösterildi, Duhlan Kendini dooruladi, angille-rä göründü, milletlerdä nasaat edildi, dünedä inannan kabledildi, me-tinniklän yukarı alındı.

Yalancı üüredicilär

4 Ayoz Duh açık söleer, ani bitki zamannarda kimisi inandan atilacek, sesleyeräk aldadıcı duhları hem fena duhların üüretmeklerini,

2 yalancıların ikiüzlülüü beterinä, angıların üzleri sansın damgalanmış kızgin demirlän.

3 Onnar evlenmeyi durgudêrlar da deerlär, ki sakınmaa imeklerdän, angılarını Allah yarattı, ki inancılar hem asılılı taniyannar, şükür edip, isinnär.

4 Hepsi, ne Allah yarattı, iidir hem hiç biri olmaz atılsın, eer şü-kürlüklän kabledilirseydi.

5 Zerä ayozlanêr Allahın sözün-nän hem duaylan.

İi izmetkär

6 Eer bunnarı kardaşlara annadir-saydin, İisus Hristozun bir ii izmet-keri olacan, beslenmiş inan sözle-rinnän hem ii üüretmäklän, ne izle-din sindiyä kadar.

7 Sakın babu masallarından, ne yaraşmêér ayozlaa, ama sınaştır ken-dini Allahın yolunda gitmää.

8 Zerä güüdeyi sınaştirmaa az fay-dali, ama gitmäk Allahın yolunda her taraftan faydalı, çünkü onda adan-mak var sindiki ömür için hem gelecek ömür için.

9 Aslidir bu söz, da yaraşêr, ki herkezindän kabledilsin.

10 Onuştan biz savaşıp-çalışêriz, zerä diri Allaha umutlanêriz, Angısı Kurtarıcıdır hepsi insannara, ama en çok inancılara.

11 Bunnarı nasaat et hem üüret.

12 Kimsey paasızlandırmasın senin gençliini, ama örnek ol inancılara

laflan, yaşamaklan, sevgiylän, /duh-lan/, inannan, paklıklan.

13 Bän gelincä, veril okumaa Ayoz Yazılıları klisedä, nasaat etmää hem üüretmää.

14 Kasavetsiz olma duhça baaşı-şa, ani sendä, ne sana verildi prorok-luk sözünnän, açan presviterlär el koydular üstünü.

15 Bu işlerä veril hem onnarda kal, ki senin başarıın herkezinä gö-rünsün.

16 Esap al kendini hem üüretmeni da herzaman bu üzerä çalış. Bölä yaparak, hem kendini kurtaracan, hem onnarı, kim seni sesleer.

Baalantilar klisedä

5 İhtarı* sert azarlama, ama na-saat ver ona, nicä bobana. Na-saat ver genç adamnara, nicä kar-daşlarına;

2 ihtar karilara, nicä anana; genç karilara, nicä kızkarداşlarına, bütün paklıklan.

3 Hatır güt dul karilara, ani hakına kimseysiz.

4 Ama eer bir dul karının varsa uşakları eki unukaları, onnar üüren-sinnär Allahın yolunda gitmää, ilkin kendi aylesinä yardım etsinnär, ilik çevrevisinnär ana-bobalarına, zerä bu-nu Allah beener.

5 Dul kararı, ani hakına kimseysiz hem yalnız kalmış, umudunu Allaha koyêr hem gecä-gündüz durmamay-ca Ona yalvarêr hem dua eder.

6 Ama dul kararı, ani kendini verer sefalık surmeyä, taa yaşarkan, ölüdür.

7 Bu işleri onnara annat, ki maa-nasız tabeetli olsunnar.

8 Eer birkimsey kendi yakinnarı-için, maasuz kendi aylesi için zaa-met gütmärseydi, o inanı inkär etmiş da taa beterdir, nekadar bir inansız.

9 Ki adı dullar listasına yazılsın, dul karı lääzim olsun altmış yaşın-dan yukarı, bir kocayan evlenmiş,

10 ii işleri için bilinän, uşak büüt-müş, musaafir kablettmiş, Allahın ayoz halkın ayaklarını yıkamış**, sıkıntıda olannara yardım etmiş hem çalıskanniklan hertürlü ililik yapmış.

11 Taa genç dulların adlarını lista-ya yazma. Zerä onnar, tencä istedik-leri kaaviledip Hristoza karşı, eni-dän evlenmää isteeler.

12 Ozaman kabaatlı kalêrlar, zerä bozêrlar eminnerini, ani ilkin yap-tılar.

13 Ondan kaarä, onnar üürenerlär haylak gezmää evdän evä, da diil sa-de haylak gezmää, ama çeneli ol-maa hem başkaların işlerinä kariş-maa, söleyeräk, ne düşmeer.

14 Onuştan isteirim, ki genç dul-lar evlensinnär, uşak duudursunnar, evlerini kullansinnar da karşı dura-na kolaylık vermesinnär, ki bizi kö-tülesin.

15 Zerä kimisi onnardan sindän sora saptilar da şeytanın ardına git-tilär.

16 Eer bir inancı karının dul ya-kinnarı varsa, lääzim onnara baksın da zaametä koymasın kliseyi, ki kli-sä yardım edäbilsin dullara, ani hak-ına kimseysiz.

17 Presviterlär, ani ii önderleerlär, lääzim iki katına hatırlansinnar, ayı-rica onnar, kim işleer nasaat etmek-tä hem üüretmektä.

* 5:1-2 İhtar – yada «presviter». ** 5:10 Ayak yıkama – musaafirciliin nişanıydı.

18 Zerä Ayoz Yazı deer: «Baalamaya öküzün aazını, harman düyüärkän» hem «İşçiyä yaraşêr kendi ödää».

19 Kabaatlandırmak presviterä karşı kabletmä, olmayınca iki-üç saat.

20 Kim ileri dooru günah yapêr, onnarı takazala hepsinin öündä, ki kalanı da korksun.

21 Allahin, İisus Hristozun hem seçilmiş angillerin öündä seni emineerim, ki pay tutmayarak hem kimseyin üzünä bakmayarak bu simarlamakları tamannayasın.

22 Ellerini kimseyin üstünä tez koyma, pay alma başkaların günahlarında. Kendini pak tut.

23 İleri dooru içmä salt su, ama iç biraz şarap senin katının hem sık hastalıkların beterinä.

24 Kimi insannarın günahları açık, onnar öncä, daava olmadan, biliner. Başkaların günahları sora açılêr.

25 Hep ölä ii işlär dä açık, onnar da, ani diil açık, yok nasıl saklı kalsın.

Çıraklar hem çorbacılar

6 Hepsi çıraklar, ani boyunduruk altında bulunêrlar, kendi çorbacılarına düşer herbir iş üzerä ikram versinnär, ki Allahin adı hem üüretmesi kötülenmesin.

2 Çıraklar, kimin çorbacıları inancı, aşaalamasınnar onnarı, çünkü kardaş deyni, ama taa çok baksınnar izmet etmää onnara, çünkü kim faydalânêr bu ii izmetçiliktän, onnar – sevgili inancılar. Bunnarı üüret hem nasaat et.

Allahin yolunda gidin

3 Kim başka türlü üüreder da kâyl olmêr bizim Saabi İisus Hristozun saa sözlerinä hem Allahin yakışıklı, uygun üüretmesinä,

4 O bir şîşkindir da bişey bilmeer, ama düşkündür yarışmaa hem laf kavalarına, neredän başlêr haseetlik, çekiş, fena laflar hem kötü şüpelär,

5 Boşuna dartaşmaklar bozuk fikirli insannarda, angıları kaybettilär asılı, sanarak ani Allahin yolu kazanç yolu dur. /Busoy insannardan uzaklaş./

6 Aslıda büyük kazançtır Allahin yolunda gitmää, şükür kalarak onunan, neyimiz var.

7 Zerä biz bişey getirmedik bu dünneyä, /belli, ani/ yok nasıl bişey buradan alalım da.

8 Eer varsa, ne iyelim hem ne giyelim, bunnarlan kanaat kalêrız.

9 Ama kim zengin olmaa özener, o denemeyä düşer, bir arkannan tutulêr hem çok ahmakçasına hem zararlı havezlerä kapılêr, ani insanı tefed eder hem kayiplaa battirêr.

10 Çünkü herbir kötülünün kökü – para sevgisidir. Kim buna verildi, onnar inandan saptılar da kendileri nä çok zeet yaptılar.

11 Ama sän, Allah adamı, kaç bunnardan da izlä dooruluu, Allahin yolunu, inanı, sevgilii, dayanmayı, yalpaklı.

12 İnanda ii savaşlan savaş, bak edenmää diveç yaşamayı, angısına sän çaarıldın, açan ii inanı çok saatların öündä açık kablettin.

13 Allahin, Ani hepsinä yaşamak verer, hem İisus Hristozun öündä, Angısı Pontiy Pilatın öündä saatlik etti ii inan içün, simarlêrim sana,

14 bu simarlamayı lekesiz hem kusursuz, bizim Saabi İisus Hristozun gelmesinädän koruyasın,

15 angısını vakıdında açacek mutlu hem biricik Çorbacımız, padişahların Padişahı hem saabilerin Saabisi.

16 Salt Ondadır ölümsüzlük, Anı gisi yaşêer bir yaklaşmaz şafk içindä, kimi hiç kimsey görmedi hem yok nasıl da görsün. Ona ikram hem zaabitlik divecinä! Amin.

17 Zenginnerä bu ömürdä sımarla, ani hodullanmasınnar, umutlarını koymasınnar zenginnää, ani gelip-geçer, ama /diri/ Allaha, Angısı verer bizä hepsini taşkinniktan, ki sefalanalım,

18 iiilik yapsınnar, ii işlärlän zenginnensinnär, cömert hem baş-

kalarlan paylaşmaa hazır olsun-nar.

19 Toplasınnar hazna kendilerinä, ani saa bir temel olacek gelecek va-kit için, ki edenäbilsinnär hakına* yaşamak.

20 Ey, Timofey, koru, ne sana ve-riili, uzaklaş allahsız boşuna laflar-dan hem «bilgi» için dartaşmaklar-dan, ne yanniş adlanêr.

21 Kimileri, deyip, ani etişi bu bilgiyä, saptılar inandan. İivergi ol-sun sizinnän. /Amin./

* 6:19 Hakına: kimi tekstlerdä «diceç».

PAVLİNİN İKİNCİ KİYADI

TİMOFEYÄ

Seläm

1 Bän, Pavli, İisus Hristozun apostolu Allahin istemesinä görä, yollanıldım nasaat edeyim yaşamak için, ani adanmış İisus Hristozda.

2 Seläm yollêrim Timofeyä, benim sevgili uşaama: iivergi, acıyanık, usluluk Allah Bobadan hem bimiz Saabi İisus Hristozdan.

i Haberä inanç ol

3 Şükür ederim Allaha, Angısına izmet ederim dedelerim gibi pak üzläñ, durmamayca gecä-gündüz anarak seni benim dualarımда.

4 Zerä aklıma getirerim senin göz yaşlarını, da özledim göreyim seni, ki sevinmeliklän dolayım.

5 Aklıma getirerim senin yapınmadık inanını, ani baştan vardı senin büyük ananda, Loidada, hem senin ananda, Evmikada, da çok inanêmim, ani hep o inan sendä dä var.

6 Onuştan aklına getirerim, aliflendiräsin Allahin baasışını, ani edendin ellişimi koymamdan senin üstünä.

7 Zerä Allah verdi bizä diil korkaklı duhu, ama kudret, sevgi hem kendini zapetmäk duhu.

8 Onuştan, utanma saatlik etmää bizim Saabi için hem utanma bendän dä, ani kapana düştüm Onun için, ama benimnän pay al zeetlenmektä İi Haber için Allahin kuvedinnän.

9 O kurtardı bizi da çäardi, Kendi ayoz halkı olalim, diil bizim yaptıklarımıza görä, ama Kendi kurulmuşuna hem iivergisinä görä, ani verildi bizä İisus Hristozda baştan diveçliktän,

10 ama şindi açıldı bizim Kurtarıcı İisus Hristozun görünmesinnän. O bozdu ölümün kuvedini da aydınaa çıkardı yaşamayı hem ölümsüzlü İi Haberlän,

11 angısı için bän koyuldum nasaatçı, apostol hem üüredici /milletlerä/.

12 Bu beterä bän bölä zeetlenerim, ama hiç utanmêrim, zerä bilerim, Kimä inandım hem çok inanêmim, ani Onun var kuvedi o Günä kadar, korusun onu, ne bana verildi.

13 Örnek olarak, tutun o saa sözlerdän, ani bendän istattin, inannan hem sevgiylän, ani İisus Hristozda.

14 O ii üüretmekleri, ne verildi sana, koru Ayoz Duhlan, Kim bizdä yaşêér.

15 Sän bilersin, ani hepsi Asiyada olannar bendän atıldılar. Onnarnar arasında – Figel hem Ermogen.

16 Saabi Onisiforun evinä acıyanık versin, zerä o çok sıra beni iilendirdi hem utanmadı benim sincirlemdän,

17 ama Roma kasabasında bulnarkan, büyük çalışmaklan aaradı benni, bulunca.

18 Saabi versin ona, ki o Gündä acıyanık bulsun Saabidän, zerä ne kadar o bana izmet etti Efes kasabasında, sän çok ii bilersin.

Dayanmak zeetlerdä

2 Ölä ki, oolum, kaavilen hayirlan, ani İisus Hristozda.

2 Üüretmekleri, ne istattin bendän çok saatlar önündä, ver inanç insanın elinä, angiları becererlär başkalarını da üüretmää.

3 Dayanıcı ol zeetlerdä, nicä İisus Hristozun bir ii askeri.

4 Hiç bir asker baalamaz kendini günük yaşamın zaametlerinnän, çünkü kendini bakêr beendirsın askerlik zaabidinä.

5 Yarışannar, sıraya görä yarışmarsayırlar, feneç kazanamazlar.

6 Çiftçi, kim çalışıp-işleer, lääzim alsın ilk payı berekettän.

7 Ne söleerim, ii anna; Saabi sana herbir iş üzerä akıl verecek.

8 Unutma İisus Hristozu, Davidin senselesindän, Angısı öldün dirildi, nicä açıklaner İi Haberdä, angısı nasaat ederim.

9 Onuştan zeet çekerim, artık sincirlärلن baalayım nicä bir fena yápıcı, ama Allahin sözü sincirlär baalanmaz.

10 Bunun için hepsinä dayanêrim seçilmişlär için, ki onnar da kurtulmak edensinnär, ani İisus Hristozda, diveç metinniklän.

11 Aslıdır bu söz: «Eer biz Onunnan öldüyseydik, Onunnan da yaşayacez.

12 Eer dayanarsak, Onunnan biläda padışahlık edecez. Eer Ondan atılsak, O da bizdän atılacak.

13 Eer biz inanç olmarsak, O inanç kalêr, zerä yok nasıl bişey yapsın Kendi tabeetinä karşı».

14 Bunnari inancıların aklına getir, Allahin önündä haberleyeräk, će-

kişmesinnär laflar için, zerä bundan fayda olmaz, ama kayiplaa götürür onnarı, kim sesleer.

15 Bak, da ol Allahin önündä nicä denenmiş işçi, angısı yok nedän utanın, dooru üüredip asılık sözünü.

16 Ama uzaklan boşuna laflardan, ani yaraşmêr ayozlaa, zerä bölä lafedennär taa çok zeedeleyecekler saygısızlı Allaha karşı.

17 Onnarn lafları gangrena gibi daalacek. Butürlü bulunêr İmeney hem Filet,

18 angıları asılıktan saptılar, deyip, ani dirilmäk oldu. Bununnan kimilerin inanını bozêrlar.

19 Ama Allahin temeli kaavi duvêr da bölä mühürlü: «Saabi tanîyêr Kendikilerini» hem «Uzaklaşsınnar kötlükten hepsi, kim çaarêr Saabinin adını».

20 Bir büük evdä var hertürlü kaplar, diil sade altından hem gümüştän, ama var aaçtan da, topraktan da. Kimisi faydalânê ikramní İslâr için, ama kimisi ikramsız İslâr için.

21 Ölä ki, kim ikramsız işlerdän paklanacak, o ayozlanmış bir kap olacek, ikramni işlerä uygun hem Çorbaciya faydalı, hazır yapsın hertürlü ii İslâr.

22 Gençlik havezlerindän kaç, da izlä dooruluu, inanı, sevgiyi, usluu hepsinän, kim Saabiyi çaarêr pak ürektän.

23 Ahmakçasına hem annamaksız yarışmaklardan sakın, bileräk, ani onnardan debreşer kavga.

24 Saabinin kulu düşmeer kavgacı olsun, ama düşer yalpak olsun hepsinän, becersin üüretmää hem sa Burlu olsun, açan ona karşı kötülik yapêrlar.

25 Yavaşlıklan yola getirsin onnarı, kim karşı ona durerà. Allah beki onnara kolaylık verecek, ani günahlarından Ona dönsünär da asılılı ta-nisinnar.

26 Ozaman kendilerinä gelip, çözülabırlar diavolun arkanından, zerä diavola esir düşmüştülär, ki yapsınnar onun kefini.

Bitki günnär

3 Biläsın, ani bitki günnerdä zor vakıtlar olacek.

2 Zerä insan olacek kendini sevän, parayı sevän, üünän, hodul, kötüleyici, anayı-bobayı seslämeyän, şükürsüz,

3 ayozluk hem sevgi nedir bilme-yän, uzlaşmayan, fitleyici, zapsız, azgın, iilik duşmanı,

4 hayin, fikirsız, şıskin, taa çok sefa sevennär, nekadar Allahı.

5 Kendilerini gösterirlär sansın Al-laḥın yolunda, ama yoluñ kvedini inkär ederlär. Butürlü insannardan uzak dur.

6 Onnardan kimileri evlerä soku-lér da sansın esir alêrlar zavallı karı-ları, ani günahlan üklü hem türlü ha-vezlärلن sürüklener,

7 ani dayma ürenerlär, ama hiç bir-zaman etişämeerlär tanisinnar asılı.

8 Nicä Yannis hem Yambris Moi-seyä karşı kalktlar, hep ölä bunnar da asılılaa karşı durêrlar. Onnar – bozuk fikirli, inan için ret edilmiş insannar.

9 Ama onnar çok ilerlämeyecek-lär, zerä onnarın akılsızlığını herkezi açık görecek, nicä oldu Yannisın hem Yambrisin akılsızlı.

Timofeyä bitki nasaatlar

10 Ama sän yakından izledin be-nim üüretmemi, yaşamamı, neetle-

rimi, inanımı, saburlumu, sevgimi, dayanmamı,

11 koolamakları hem zeetleri, ani ba-şıma geldi Antiohiya, İkoniya hem Listra kasabalarında. Ne koolamaklar ge-çirdim! Ama hepsindän Saabi kurtardı.

12 Hepsi, kim isteer gitmää Alla-hın yolunda, inanarak İisus Hristo-za, onnar koolanmış olaceklar.

13 Kötü insannar hem şarlatannar kö-tülüktä gittikçä ilerleyecklär, başkala-rını aldadarak, kendileri dä aldanarak.

14 Ama sän tutun o işlerdän, ne üürendin hem ne sana inandırıldı, zerä bilersin, kimdän üürendin.

15 Sän Ayoz Yazılıarı küçüklüün-dän bilersin. Onnar var nicä aariflet-sinnär seni, ki kurtulasın inannan İisus Hristoza.

16 Hepsi Ayoz Yazılıar esilmiş Al-lahtan hem faydalı, ki üüretsinnär, takazalasinnar, düzeltsinnär, sınaş-tırsınnar dooru olmaa,

17 ki Allahın adamı olsun taman hem hertürlü ii iş yapmaa hazır.

4 Eminneerim seni Allahın hem Saabi İisus Hristozun önünde, Angisi daava kesecek dirilerä hem ölülerä, zerä O, gelip, padışahlık edecek.

2 Allahın sözünü haberlä, herza-man çaliş bu iştä, ii vakıttá hem zor vakıttá. İnandır, takazala, üreklen-dir, üürederák bütün saburluklan.

3 Zerä vakıt gelecek, açan saa üüretmeklerä dayanamayaceklar, ama yannarına toplayaceklar üüre-diçileri kendi istediklerinä görä, ki nazlandırsınnar onnarı.

4 Kulaklarını tikayaceklar, ki ses-lämesinnär asılı, yoldan saparak, masallara davranaceklar.

5 Ama sän herbir iş üzerä kuşku ol, zeetlerä dayan, İl Haberi nasaat et, izmetçiliini tamanna.

6 Zerä şindän sora benim kanım dö-külecek, nicä şarap kurbanın üstünä, benim için geçinmäk vakıdı yaklaştı.

7 İl savasta düüstüm, yarışı bitir-dim, inanı korudum.

8 Şindän sora bana hazır durêr dooruluk feneți, ani Saabi, Dooru Daavaci, o Gündä verecek bana, diil sade bana, ama hepsinä, kim özle-mäklänl bekleer Onun gelmesini.

*Pavlinin kendi istemekleri
hem selämneri*

9 Nekadar tez çaliş bana gelmää.

10 Zerä Dimas beni braktı, cüñkü taa çok sevdı bu dünneyi da gitti Sal-onik kasabasına. Kriskis gitti Galatiyyaya, Tit – Dalmatiyaya.

11 Salt bir Luka kaldı benimnän. Al Markı da getir seninnän, zerä o bana yardımcı olar izmettä.

12 Bän Tihiki yolladım Efes kasa-basına.

13 Acan gelecän, getir yaamurluu, ani braktım Troada kasabasında Kar-pın evindä. Getir kiyatları, ayırı, per-gamentleri*.

14 Bakıcı Aleksandru çok fenalık bana yaptı. Saabi ödesin onun işleri-nä görä!

15 Sän dä sakın ondan, zerä çok karşı durdu bizim sözlerimizä.

16 İlk korunmak lafimda kimsey benim tarafimda kalmadı, hepsi be-ni braktı. Bunun için onnardan esap sorulmasın!

17 Ama Saabi benim yanındaydı, O beni kaaviledi, ki nasaat işi tam-anansın benim aazimnan, da hepsi milletlär onu işitsinnär. Bölä aslanın aazından kurtuldum.

18 Saabi beni hertürlü kötülüktän kurtaracek da Kendi Gökteki Padi-şahlı için koruyacak. Ona metinnik diveçtän divecä! Amin.

19 Seläm ver Priskillaya hem Aki-laya hem Onisiforun evdekilerinä.

20 Erast kaldı Korinf kasabasında. Trofimi hasta braktım Milit kasaba-sında.

21 Çalış kıştan öncä bana gel-mää. Seläm sana verer Evvul, Pu-dens, Lin, Klavdiya hem hepsi kar-daşlar.

22 Saabi /İisus Hristos/ olsun se-nin duhunnan. Sizinnän iivergi ol-sun. /Amin./

* 4:13 Pergament – yazmak için deridän kiyat.

PAVLİNİN KİYADI TİTA

Seläm

1 Bän, Pavli, Allahın çıraa, İisus Hristozun apostolu, yollanılmışım, ki Allahtan seçilmiş olannar inansınnar hem tanısınnar aslılı, ani tutunėrallahçılıktan

2 hem temelli diveç yaşamak umudu üstündä, angısını Allah, ani hiç yalan sölameer, adadi baştan diveçliktän.

3 O vakıdında açtı Kendi Sözünü nasaatlan, ani bana inandırıldı bizim Kurtarıcı Allahın simarlamasına görä.

4 Seläm yollêrim sana, Tit, ani benim hakına oolum benimnän bir inanda. İivergi, /aciyannik/ hem usuluk Allah Bobadan hem bizim Kurtarıcızdan, /Saabi/ İisus Hristozdan.

*Ne düşer Tit yapsın
Krit adasında*

5 Krit adasında braktım seni maaszuz, ki tertipleysin kalan işleri hem herbir kasabada presviterleri koyasın, nicä bän sana simarladım.

6 Presviter läazim olsun kabaatsız, bir kariylen evli, uşakları inancı, angılarını yok nasıl kabaatlandırmama zapsızlıklan hem seslämeklän.

7 Zerä episkop* düşer olsun kabaatsız, nicä bir izmetkär, ani kullañer Allahın evini. Olmasın naalet, küçücü, içkici, düüşçü, tamah.

8 Olsun musaafirci, ilikçi, esaplı, dooru, allahçı hem kendini kullanan.

9 Tutunsun inan sözündän, ne üürendi, becersin kliseyi saa üüretmäklän girginnetmää hem karşı duannarı azarlamaa.

10 Zerä var çok insan, kalkıntıci, boşuna lafedän hem yalancı, taa çok kesikli olannardan.

11 Bunnarın läazim aazlarını kapanmaa. Onnar kimi ayleleri heptän bozérler, türedip, ne düşmeer üüretsinär ayıplı kazanç için.

12 Onnardan biri, kendi proroklarından biri, bölä yazdı: «Krit adasından insan herzaman yalancı, paralyıcı canavarlar, haylaz hoburlar».

13 Bu Laf dooru. Onuştan keskin azarla onnarı, ki inanda saa dursunmar

14 da seslamesinnär iudey masalarını hem insandan kurulu sıraları, ani aslılıktan atılêrlar.

15 «Pak olannar için hepsi pak, ama kirli olannara hem inansızlara bişey diil pak», – deerlär. Halizdän, onnarın hem akılları, hem üzleri kirli.

16 Onnar deerlär, ani Allahı tanıyêrlar, ama kendi yaptıklarının Allahı inkär ederlär, zerä onnar iirenç hem kanırık insannar, bir dä ii işä yaramaz.

Üüret, ne yaraşêr

2 Ama sän üüret, ne saa üüretmeklerä yaraşêr.

2 Sölä yaşı adamnara ayık, kendini dooru götürän, esaplı, saa inanda, sevgidä hem dayanmakta olsunnar.

3 Hep ölü sölü yaşı karilara götürsünär kendilerini, nicä yaraşêr Allahın ayoz halkına. Olmasınnar fitleyici eki düşkün şaraba, ama üüretsinär ililik yapmaa.

4 Üüretsinnär genç kariları kocalarını hem uşaklarını sevmää,

5 olsunnar esaplı, pak, evciman. Ön versinnär kocalarına, ki Allahın sözü kötülnemesin.

6 Hep ölü genç adamnarı üüret, esaplı olsunnar.

7 Herbir iş üzerä göster kendini örnek ii işlär yaparak. Üüretmendä pak ol, kendini dooru götür, esaplı ol.

8 Sölä saa laflar, angılarına kimsey maana bulamar, ki bizä karşı denklesennär bişey fena söleyämesinär da utanmış kalsınnar.

9 Çıraklı üüret, çorbacılarına ön versinnär, herbir iş üzerä kendilerin beendirsinnär da Laf çevirmesinär.

10 Hırsızlık yapmasınnar, ama herzaman inanç adamnar olsunnar hem herbir iş üzerä Allahın, bizim Kurtarıcızın, üüretmeklerini mayıl yapsınnar.

11 Zerä gösterildi Allahın iivergisi, ani getirer kurtulmak hepsi insana,

12 üüreder bizi, allahsızlıktan hem dünnä hamellerindän brakılalim, da esaplı, dooru hem allahçı yaşayalım bu sindiki vakıtta.

13 Şindi bekleeriz bizim mutluluk umudu, bizim büyük Allah hem Kurtarıcı İisus Hristos şannıkta peydälansın.

14 O verdi Kendini bizim için kurban olsun, ki kurtarsın bizi hertürlü zakonsuzluktan da, paklayıp, bir ayırı insan Kendinä yapsın, çalışkan ii işlär yapmaa.

15 Bunnarı annat, nasaat et hem azarla herbir zaabitliklän. Kimseye seni aşaalatmasın.

Yap dooruluk

3 İnancılara aklına getir, kullanıcılar hem zaabitlerä ön versinnär, onnarı seslesinnär da herbir ii işä hazır olsunnar.

2 Kimseyi kötülämesinnär, kavga yapmasınnar, ama herbir iş üzerä yavaş hepsi insannarlan olsunnar.

3 Zerä biz kendimiz da, vakıdın birindä fiksiz, seslameyici hem şasiktik. İzmet edärdik türlü hamellerä hem keflerä. Yaşardık kinniktä hem kışançlıktä. Hepsi bizdän, biz dä biri-birimizdän azetmärdik.

4 Ama açan açıldı Allahın, bizim Kurtarıcızın, iili hem insana sevgisi,

5 O kurtardı bizi diil bizim dooru yaptıklarımız için, ama Kendi acıyanınnan. Zerä O yıkadı bizi, enidän duudurarak hem enileyerek Ayoz Duhlan,

6 Angısını zebilliktän döktü bizim üstümzä Kurtarıcımız İisus Hristozlan,

7 ki biz Onun iivergisinnän dooru sayılalim da, nicä umutlanêriz, mirasçı diveç yaşamakta olalim.

8 Aslıdır bu söz, da bän isteeriim, ani sän bunnarı kaavileyäsin, ki onnar, kim Allaha inandi, baksınnar kendilerini vermää ii işlerä, zerä bunnar ii hem faydalı adama.

9 Ahmak çekislerdän hem senselä dizinnerindän, kavgalardan hem denkleşmeklerdän Zakon için sän sakın. Zerä bunnar faydasız hem boşuna iş.

10 İnsan bölennerdän, bir-iki azarlamaktan sora, yıraklan.

* 1:7 Episkop – yada «güdüci».

11 Bil, ani onnar dooru yoldan saptilar hem günah yapêrlar, da kendikendilerinä daava ederlär.

Son selämnär

12 Acan sana Artemayı yada Tihi-ki yollayacam, alatla gelmää bana Nikopolis kasabasına, zerä orada, düşündüm, kışlayım.

13 Advokat Zenayı hem Apollosu yollayaceykan yola, çalış, ki onna-

rın bişey için lääzimníkleri olmasın.

14 Ko bizimkilär dä üürensinnär kendilerini vermää ii işlerä da yardım etmää zorlukta olannara, ki meyvasız kalmasinnar.

15 Sana seläm yollêér hepsi, kim benimnän bilä bulunêr. Selämnä onnarı, kim inanda bizi sever. Sizinnän hepsinizlän iivergi olsun. /Amin./

PAVLİNİN KİYADI FILİMONA

Seläm

1 Bän, Pavli, İisus Hristos için kapancı, hem kardaş Timofey, seläm yollêeriz sana, Filimona, ani bizim sevgili kafadarımız istä,

2 kızkarداş Apfiyaya, Arhipä, ani bizim kafadarımız bir düüstä, hem senin evdeki klisenä.

3 İivergi sizä hem usluluk bizim Allah Bobadan hem Saabi İisus Hristozdan.

Sükür hem dua

4 Şükür ederim benim Allahıma, herzaman seni anarak benim dualarimda,

5 zerä iştittim, nicä inandın Saabi İisusa hem nicä seversin Allahın hepsi ayoz halkını.

6 Dua ederim, ki sän çalışkan ola- sin haberlemektä senin inanımı, çünkü tanıyêrsin herbir ilili, angısını kablettik İisus Hristozdan.

7 Zerä biz pek sevindik hem ürek-lendik senin sevgin için, zerä senin-nän, kardaşım, hoşlandı ayozların ürekleri.

*Pavlinin yalvarması
Onisim için*

8 Makar ki Hristozda var kiyış-maklüm, sana simarlayım, ki yapasın, ne lääzim,

9 sayêrim, taa islää yalvarayım sa-na sevgiylän. Zerä yalvaran diil baş-

kası, ama bän, ihtär Pavli, ani şindi İisus Hristos için kapancı.

10 Yalvarêrim sana benim usaam için, Onisim* için, angısını duudur-dum, bulunarak baalı sincirlärlän.

11 Bir vakıt o sana yaramardı, ama şindi yarar hem sana, hem bana.

12 Onu, kim benim ürääm, sana geeri yollêirim.

13 Bän istedim onu yanında tutayım, ki senin erinä izmet etsin bana bu sincirlerdä, neylän baaliyim İl Haber için.

14 Ama izin olmayınca sendän, istämedim bunu yapmaa. İstedim, iilik yapasın diil zorlanmış, ama ii istediindän.

15 Zerä olabilir, ani o bir parça va-kıda ayrıldı sendän, ki geeri onu alasın herzamana,

16 diil nicä bir çraa, ama taa üstün çiraktan, olsun nicä bir sevgili kardaş, çok benim için, ama taa çok se-nin için, nicä bir insan, hep ölä nicä bir inancı Saabidä.

17 Eer sän beni paydaş sayarsay-din, kablet onu, nicä beni.

18 Eer seni bişeylän gücendirdiy-sä eki borçluysa sana, koy onnarı benim üstümä.

19 Bän, Pavli, yazdım kendi elim-nän: kendim ödeyecäm. Demeerim, ani sän kentin dä bana borçluyusun.

20 Hakına, kardaşım, ver bana ko-laylık Saabidä sendän faydalanyim, hoşlandır benim üreemi Hristozda.

* 1:10 Onisim adın annaması «faydalı, yarar».

21 Yazdım sana, çok inanarak, ani sän sesleyecän, da bilerim, ani yapacan taa çok, nekadar bän istee-
rim.

22 Hep ölä hazırla bir er bana, ka-
layım sendä, zerä umutlanêrim, si-
zin dualarınızlan, çıkış kapandan,
geleyim sizä.

Son selämnär

23 Seläm yellêr sana Epafras, ani
kapancı benimnän bilä İisus Hristos için,

24 Mark, Aristarh, Dimas, Luka,
benim kafadarlarım.

25 Bizim Saabi İisus Hristozdan iiver-
gi sizin duhunuzlan olsun. /Amin./

KİYAT ÇİFTLARA

Ool angillerdän üstün

1 Eveldän Allah çok sıra hem çok
türlü söledi prorokların aazin-
nan bizim dedelerä.

2 Ama bu bitki günnerdä lafetti
bizä Kendi Oolunnan, Angısını koy-
du mirasçı hepsinä hem Angisinnan
dünneyi yarattı.

3 Ool Allahın metinniin aydinni
hem Onun varluğun görünümü da hep-
sini tutêr Kendi kudretli sözünnän.
O, paklayıp bizim günahları, oturdu
üüseklerdä, büyük Olanın saa tara-
finda.

4 O oldu okadar taa üstün angil-
lerdän, nekadar onnardan taa käamil
ad kendinä edendi.

5 Zerä nezamansa Allah angillerin
birisinä dedi: «Sän Benim Oolum-
sun, büün Senin Boban oldum», eki:
«Bän Boba Ona olacam, O da Ool
Bana olacek»?

6 Hep ölä, Kendi ilk duumuşunu
dünneyä getirirkän, deer: «Allahın
hepsi angilleri Ona baş iltsinnär».

7 Angillär için deer: «Bänim O,
Kim döndürer angillerini lüzgerä
hem izmetkerlerini ateş yalınına».

8 Ama Oolu için deer: «Ey, Allah,
Senin çorbacılık skemnän diveçtir
hem padişahlık bastonun dooruluk
bastonudur.

9 Dooruluu sevdin, ama zakon-
suzluktan azetmedin, onuştan Al-
lah, Senin Allahın, Seni yaaladı se-
vinç yaayınnan taa çok Senin dost-
larından».

10 Da deer: «Ey, Saabi, Sän baş-
tan eri kurdun, göklär dä Senin elle-
rinin yaptıkları.

11 Onnar kaybeleceklär, salt Sän
kalêrsin. Hepsî ruba gibi eskiyecek.

12 Onnarı kıvradacan, nicä bir yaa-
murluk, da ruba gibi diiştirileceklär.
Ama Sän kalêrsin hep ölä, Senin yıl-
ların – bitkisiz».

13 Nezaman hem angi angilä Al-
lah dedi: «Otur saa tarafimda, Bän
koyunca Senin duşmannarını ayak-
ların altına».

14 Diil mi onnar hepsi izmetkar
duhları, yollanmış yardım etsin-
när onnara, kim kurtulmak ede-
necek?

Esap alın kurtulmak haberini

2 Onuştan lääzim taa çok esap
alalım sözleri, ne işideriz, ki
bunnardan birtürlü sürükleenip, yı-
raklanmayalım.

2 Zerä angillärlän sölenmiş hepsi
sözlär aslı çıktı, da herkezi, kaç kerä
sırayı basıp, zakonsuzluk etti, uy-
gun ceza kabletti.

3 Ozaman nesoy olur biz cezadan
kurtulalim, eer kasavetsiz olarsay-
dik bukadar şanni kurtulmaya, angı-
sını baştan Saabi annatti, da işiden-
när gösterdilär bizä, ani aslı.

4 Allah da doorukladı onnarın
sözlerini meraklı nişannarlan hem
şaşmaklı İslärlän, hertürlü kudret-
li yaptıklarlan hem baasışlarlan, ne
payetti Ayoz Duh Kendi istediinä
görä.

Iisus inancılara benzär oldu

5 Angillerin zapına verilmedi gelecek dünnä, angısı için şindi lafederiz.

6 Ama birkimsey nezamansa, bunu dooruklayıp, dedi: «Nedir adam, ani Sän akında tutêrsın onu, hem kimdir insan oolu, ani Sän onu dolaşêrsin?»

7 Sän onu angillerdän biraz taa aşaa koydun. Metinniklän hem ikramnan donattın onu /da Kendi elle-rinin işleri üstünä koydun.

8 Hepsini, onun zapına verip, ayakları altına koydun». Hepsini onun zapına verip, Allah brakmadı bişey verilmédik onun zapına. Ama şindi taa görmeeriz, ani hepsi verili onun zapına.

9 Ama göreriz Onu, Kim angillerdän biraz taa aşaa koyuldu – İisusu, Angısı, ölüm zeetlerini çekerák, metinniklän hem ikramnan donadıldı, ki Allahın hayırınnan ölümdän dat-sın herkez içün.

10 Zerä düşärdi, ki O, Kimin için hepsi oldu hem Kimin kuvedinnän hepsi var, getirip çok ool metinnää, zeetlärlän taman yapsın onnarın kurtulmak Öncüsünü.

11 Zerä ayozlayan İisus hem ayozlanmak yolunda olannar – hepsi bir Bobadandır. Onuştan İisus utanmêr onnara desin «kardaş»,

12 zerä deer: «Haberleyecäm Senin adını Benim kardaşlarımı, halkin arasında metinnik Sana çalacam».

13 Hep ölü deer: «Umudumu Ona koyacam» hem taa: «Tä, Bän hem uşaklarım, angılarını verdi Allah bana».

14 Ölü ki, nicä uşaklar pay alêrlar kandan hem ettän, hep ölü O da pay aldı kandan hem ettän, ki ölümnän telef etsin onu, kimdä var ölümun kuvedi, angısı diavol,

15 da boşandırsın onnarı, kim ölüm korkusundan bütün yaşamaklarında çıraklıktı bulundu.

16 Şüpesiz, O gelmeer angillerä yardımına, ama Avraamin senselesinä.

17 Onuştan O lääzimdi herbir iş üzerä benzesin kardaşlarına, ki ola-bilsin Allahın izmetindä bir inanç hem acıyan Baş popaz da uslandırsın Allahın üfkesini insanın günahları içün.

18 Zerä Kendi acı çekti denenmektä, onuştan O yardım edäbilir denenmektä olannara.

İisus hem Moisey

3 Ölü ki, ayoz kardaşlarım, siz, ani bizimnän bilä gökä çaarıldınız, çevirin bakışınızı Apostola hem Baş popaza, Angısını şaatlik ederiz inanda, İisusa.

2 İisus, nicä dä Moisey, bütün Allahın evindä inançtı Allaha, Kim koydu Onu bu izmetçilää.

3 Onuştan Allah uygun buldu, ani İisusa taa büük metinnik verilsin, nekadar Moiseyä, ölü nicä evi yapan taa çok hatırlanêr, nekadar ev.

4 Zerä herbir ev yapılı birkimsey-dän, ama hepsini yapan – Allahtır.

5 Hakina, ani Moisey «inançtı bü-tün Allahın evindä», nicä izmetkär, şaatlik etsin deyni o işlär içün, ne so-ra haberleneceydi.

6 Ama Hristos, nicä Ool, inançtı Allaha Kendi evindä. Onun evi – biz, eer kiyışmaklan /bitkiyädän/ koru-yarsak umudu, neylän tüneriz.

İnansızlaa düşmektän korunun

7 Onuştan, nicä Ayoz Duh deer: «Büün, eer işidirseniz Allahın sesini,

8 inatlaştmayın üreklerinizi, ben-zâmein dedelerinizä, angıları, baş kaldırıp, denedilär Onu çol erdä.

9 Orada denedilär Beni, baktılar an-namaa ashısını Benim içün, makar ki gördülär Benim yaptıklarımı kırk yıl.

10 Onuştan o boy insan darsitti Beni, da bu beterä dedim: „Onnar herzaman şaşık ürekli adamnar, Benim yollarımı tanımadılar.

11 Onuştan Bän üfkeylän emin et-tim, ani onnar girmeyeceklär Benim raatlurma“,

12 Kardaşlar, bakın, olmasın siz-dän birisindä fena hem inansız bir ürek, angısı atılêr diri Allahtan.

13 Ürek lendirin biri-birinizi her gün, okadar vakıt, nekadar dener «Büün», ki biriniz bilä inatlaştmâ-sın üreeni, aldanarak günahlan.

14 Çünkü olêriz payçı Hristozlan bilä, eer baştan bitkiyädän umudun temelini kaavi tutarsak.

15 Nicä öncä dedik: «Büün, eer işidirseniz Allahın sesini, inatlaştmayın üreklerinizi dedeleriniz gibi, açan baş kaldırdilar».

16 Zerä kimdir onnar, kim işittik-tän sora baş kaldırdı? Diil mi hepsi onnar, kim Moiseyin yardımınınna Misirdan çıktılar?

17 Kimdi onnar, kim Onu kırk yıl darsitti? Diil mi onnar, ani günaha girdilär da ölüp-düştülär çol erdä?

18 Kimin içün O emin etti, ani gir-meyeceklär Onun raatluna? Diil mi onnar içün, angıları seslämedilär?

19 Ölü ki, göreriz, ani onnar girä-medilär inansızlık beterinä.

Raatlik, ani Allah isteer versin insana

4 Allahın adaması taa uzanêr, ki girâbilelim Onun raatluna. Onuştan, sakinalım, ki birkimsey sizdän birtürlü bu raatlaa etişmesin.

2 Zerä bizä dä verildi ii haber, ni-cä dä onnara, ama onnara fayda olmadı sözlerdän, ani işittilär, zerä kabletmedilär inannan.

3 Ama biz inancılar bu raatlaa gire-riz, nicä O dedi: «Bän üfkeylän emin ettim, ani onnar girmeyeceklär Benim raatlurma», makar ki Onun işleri tamannanmıştı dünnä kurulmasından.

4 Zerä bir erdä edinci gün için bö-lä dedi: «Dinnendi Allah edinci gü-nü hepsi Kendi işlerindän».

5 Da bunun içün genä deer: «Onnar girmeyeceklär Benim raatlurma».

6 Ölü ki kimisi kaldı, girsinnär bu raatlaa, ama kimä öncä ii haber ve-rildiydi, onnar girmedilär seslä-me-mäk beterinä.

7 Onuştan O enidän kurêr bir gün, angısı «büün», açan Davidin aazin-nan lafeder çok vakttan sora, nicä öncä dendi: «Büün, eer işidärseniz Allahın sesini, inatlaştmayın ürek-lerinizi».

8 Eer Yosua vereydi onnara raat-lik, Allah taa sora lafetmeyeceydi bir başka gün içün.

9 Onuştan kalêr taa bir vakıt, açan Allahın insamı dinnenecek.

10 Zerä o, kim girer Allahın raatluna, o kendi dä dinnener kendi işle-rindän, nicä Allah ta dinnendi Kendi işlerindän.

11 Onuştan çalışalım bu raatlaa gir-mää, da kimsey olmasın seslämeyici onnar gibi.

12 Zerä Allahın sözü diri, işleyän hem ikiüzlü kılıçtan taa keskin. O etișer orayı, neredä can hem duh, eklär hem imik biri-birindän ayırlär, da daava eder ürään düşünmeklerini hem neetlerini.

13 Yaradılmışlardan hiç kimsey Allahtan saklanamaz. Onun gözlerinin öündü hepsi ayın-açık. Ona biz cuvap verecez.

Iisus – Baş popazımız

14 Ölä ki, çünkü bizdä var bir şanni Baş popaz, ani geçti göklerdän, İisus, Allahın Oolu, kaavi tutunalım inandan, angısını saatlik ederiz.

15 Bizdä var ölä bir Baş popaz, Angısı yok nasıl acımasın bizi zayıflıklarımda, zerä O denenmiş oldu herbir iş üzerä bizim gibi, salt günah yapmadı.

16 Onuştan kışmaklan Allahın haryılı çorbacılık skemnesinä yaklaşalim, ki kaledelim acıyannık hem hâyır, yardım bulalim lääzimnöklü vakitta.

5 Herbir baş popaz, ani insandan seçili, koyulär, Allahto izmet etsin insanın hatrı için, baasış hem kurban günahlar için getirsin.

2 O yalpak olabilir bilgisiz hem şaşırık olannarlan, çünkü kendisi dä var sarılı yufkalıkları.

3 Onuştan düşer nicä insan için, hep ölä kendisi için dä kurban getirsin, ki günahları afedilsin.

4 Kimsey kendiliindän alamêr bu ikramı, eer Allahtan çaarılmış olmara, nicä Aron.

5 Hep ölä Hristos da, Baş popaz olsun deyni, Kendi almadı bu ikramı, ama bu ikramı verdi O, Kim de-

di Ona: «Sän Benim Oolum, büün Senin Boban oldum».

6 Nicä başka erdä O deer: «Sän divecinä popazsin Melkisedek gibi».

7 Hristos, tencä yaşamاسında, dua etti. Yaşlar gözlerindä büyük seslän yalvardı Allahto, Angısı Onu ölüm-dän kurtarabilir. Onun allahçılık için Allah Onu iştitti.

8 Bakmayarak, ani Kendi Ool, zeetlärlän sınası Allahto seslemää.

9 Kendi taman olarak, diveç kurtulmak sizintisi oldu hepsi için, kim Onu sesleer.

10 Zerä O koyuldu Allahtan Baş popaz, Melkisedek gibi.

İlerleyin inanda

11 Melkisedek için var çok ne lafetmää, ama zordur annatmaa, çünkü siz şindi aar işidennär oldunuz.

12 Zerä çoktan lääzimdi olasınız üüredici, ama şindi enidän lääzim sizi üüretmää başlankı üüretmeklerä Allahın sözündän. Sizä lääzim süt, ama diil çetin imeklär.

13 Herkez, kim süt içer, diil sınasık Allahın dooruluk sözünä, çünkü o bir evlattır.

14 Çetin imeklär – olgun adamnar için, onnarın duyguları sınasık hem alişik tanışınnar, nedir ii hem nedir kötü.

6 Onuştan, brakıp Hristozun başlankı üüretmeklerini, tamanna dooru ilerleyelim. Enidän temeli koymayalim: dönük ölü işlerdän, inanmak Allaho,

2 üürenmäk vaatizlik* için, el koymak için, ölülerin dirilmesi için hem diveç daava için.

* 6:2 Vaatizlik – urumca «vaatizliklär».

3 İlerleyelim! Bunu yapacez, eer Allah izin edärsä.

4 Zerä kim bir sıra aydinnadıldı, dattı göktän gelän baaşılardan, ol-du payçı Ayoz Duhlan

5 da dattı Allahın ii söyündän hem gelecek zamanın kuvetlerindän,

6 ama hep okadar düştü inansızlaa, onnarı yok nasıl enidän döndürmää Allaha günahlarından, zerä kendile-rindä enidän stavroza gererlär Allahın Oolunu da gülmää alêrlar Onu aalemin öündä.

7 Zerä Allahtan iisözlenen o er, angısı çok sıra yışlaner yaamur su-yunnan, ani yaayér onun üstünä da eşillik büüder, fayda getirerák onna-ra, kim topraas işledi.

8 Ama eer bu er büüdärseydi çali hem gürlük, o bişeyä yaramaz, yakındır betvalanmaa. O bitkidä yakılär ateştä.

9 Makar ki bölä lafederiz, sevgili kardaşlar, hep okadar biz çok inanê-riz, ani siz taa ii halda bulunêrsiniz da ileri dooru kurtulmuş olaceniz.

10 Zerä Allah doorudur, O unut-mêr sizin savaşmanızı hem sevgi-nizi, ani gösterdiniz Onun adı için. Siz yardım ettiniz hem taa yardım edersiniz Allahın ayoz halkına.

11 İsteeriz, ani herkeziniz bitkiyä-dän göstersin hep bu çalışmayı, ki bütün umudunuz olsun.

12 İstameeriz, haylaz olasınız, ama isteरiz benzeyäsiniz onnara, kim inanınan hem dayanmaklan edener-lär adamakları.

Allahın adaması

13 Allah, Avraama adamak verir-kän, çünkü yoktu başka taa büyük, ki-minnän emin etsin, emin etti Kendi-Kendinnän

14 da dedi: «Dooru, ani taşkinnik-tan iisözleyecäm hem zeedeleyecäm seni».

15 Bitkidä Avraam dayanmaklan kabletti, ne adandı.

16 Dooru, ani insannar, ki laflarını inandırsınnar deyni, emin ederlär taa büyük birkimseylän, da bununnan bitiriler herbir kavga.

17 Hep ölä Allah da, isteyerák taa açık göstersin, ani Onun neeti yok nasıl diişilsin, kaaviledi adamasını eminnän,

18 ki bu iki diişilmeyän işläن, ada-maklan hem eminnän, neylän Allah yok nasıl aldatsın, büyük kışmak edenelim. Biz Allahta saklandık, ki tutunabilelim önumüzä koyulu umuttan.

19 Bu umudumuz kaavi hem çet-in, nicä bir gemi demiri, ani koru-yér canımızı, Ayoz binanın içyankı perdenin öbür tarafına etișer,

20 nereyi İisus öncä girdi bizim için, olarak divecinä Baş popaz, Melkisedek gibi.

Popaz Melkisedek

7 Melkisedek, Salimin padışahi, En üusek Allahın popazı, odur, kim karşı etti da iisözledi Avraami, açan o geeri dönärdi, padışahları en-semektän sora.

2 Avraam ona onuncu payını verdi hepsindän. Melkisedek ilkin ken-di adı annamasına görä «dooruluk padışahi», sora «Salim padışahi» – annaması usluluk padışahi.

3 O bobasız-anasızdır, kiyatta gös-terilmeer onun senselesi. Yok ne yaşlar başlantısı, ne dä yaşamanın bitkisi. O Allahın Oolu gibi kalêr popaz herzamana.

⁴Görersiniz mi, ne kadar üstün o? Artık dädumuz Avraam da ona verdi onuncu payını cenc gelirindän.

⁵Zakona görä, Leviy oollarından onnar, kim popazlıkta izmet eder, alêrlar onuncu payını insandan, başka laflan, kendi kardaşlarından, makar ki bunnar da hep Avraamdan duuma.

⁶Ama Melkisedek, ani diil Leviy oollarının senselesindän, aldı Avraamdan onuncu payını da iisözledi onu, kimä veriliydi Allahın adamları.

⁷Lafsız biliner, ani küçüünü iisözleer büyük olan.

⁸Leviyli popazlık kurulmasına görä onuncu payını alér ölmüñi insannar, ama Melkisedek popazlına görä alér o, kimin için saatlik ediler, ani yaşêér.

⁹Çıkêr, eer bu laf dooruya, ani Avraam verip onuncu payını, kendi Leviy dä verdi, angısı şindi insanın gelirindän onuncu payını alér.

¹⁰Zerä Leviy dedesinin güdüsindeydi, açan Melkisedek Avraamı karşı etti.

Eni popazlık

¹¹İnsan kabletti Ayoz Zakonu leviyli popazlık sırasına görä. Ama eer etişäbileydiłar tamanna o popazlarlan, ne lääzimník olaceydi enidän lafetmää başka bir popazın gelmesi için, angısı Melkisedek gibi, ama diil Aron gibi?

¹²Popazlık sırası diişilmesindä düşer zakon da diişilsin.

¹³Aslısı O, Kimin için lafediler burada, çekilärdi başka bir tamızlıtan, angısından kimsey izmet etmedi kurbannikta.

¹⁴Zerä belli, ani bizim Saabi duudu İudanın tamizlından, angısı için Moisey bişey sölämedi popazlık için.

¹⁵Hem bu taa açık olér, açan göreriz, ani Melkisedek gibi kalktı bir başka popaz,

¹⁶Angısı oldu popaz diil bir sen-selä zaxonuna görä, ama bir yaşamanın kuvedinä görä, angısı hiç bir sıra bilä yok edilmäz.

¹⁷Zerä Onun için şaatlik ediler: «Sän divecinä popazsin Melkisedek gibi».

¹⁸Ölä ki baştan verili simarlamak diiştirildi, çünkü kuvetsiz hem faydasız oldu.

¹⁹Zerä Zakon bişey yapamadı taman. Onun erinä verildi taa ii umut, angısının biz yaklaşêriz Allah'a.

²⁰Bu da olmadı eminsiz.

²¹Leviylilär eminsiz popaz oldular, ama İisus popaz oldu Allahın emininnän, Angısı dedi Ona: «Emin etti Saabi da atılmayacek: Sän divecinä popazsin Melkisedek gibi».

²²Bununnan İisus taa ii bir baalantının garantiyası oldu.

²³Bundan kaarä, popaz çokvardı, zerä ölüm beterinä yoktu nasıl olsun salt bir popaz.

²⁴Ama İisus, çünkü divecinä yaşêér, Onun popazlıı başkasına geçmäz.

²⁵Onuştan O heptän kurtarabilir onnarı, kim Onun aracılınnan Alla-ha yaklaşêr, zerä O herzaman yaşêér da aracılık eder onnar için.

Eni baalantının Baş popazı

²⁶Butürlü Baş popaz bizä lääzim. O ayoz, kabaatsız, lekesiz, günah-kerlerdän ayırık hem hepsi gökler-dän taa üüsek koyulu.

²⁷Onun yok lääzimni, nicä ör-baş popazların, getirsin kurban ken-di günahları için, sora insanın günahları için. O bir sira herzaman için Kendini kurban getirdi.

²⁸Zerä Zakon koyér baş popaz o adamnarı, angıları yufka, ama emin, ani yapıldı Zakondan sora, koydu Olu, Angısı taman oldu divecinä.

8 Sölediklerimizin özü budur: biz-dä var ölä bir Baş popaz, Angısı göklerdä oturdu büyük Allahın çor-bacılık skemnesinin saa tarafında.

²O izmetcidir Ayoz erdä, hakına Buluşmak Çadırında, ani kurulu Kendifdän Saabidän, ama diil insandan.

³Herbir baş popaz sıralı, ki getir-sin baaşış hem kurban. Onuştan lää-zim oldu, ki bu Baş popaz da getir-sin kurban.

⁴Eer O kalaydı bu erdä, olmaya-ceydi popaz, zerä var başka popaz-lar, ani Zakona görä baaşış getirerlär.

⁵Onnar izmet ederlär göktekile-rin benzemesinä hem gölgésinä, ni-cä Allah söledi Moiseyä, açan yapa-ceydi Buluşmak Çadırını: «Bak da yap hepsini örnää görä, ne gösterildi sana bayır üstündä».

⁶Ama şindi Hristos edendi oka-dar taa üstün izmetçilik, nekadar taa üstün baalantının aracı oldu, zerä bu baalanti kurulu taa ii adamaklarlan.

⁷Eer ilk baalanti kusursuz olay-dı, lääzimník duyulmayaceydi baş-ka baalantıya.

⁸Ama Allah, ilk baalantida, maa-na bularak onnara, deer: «Tä, geler günnär, deer Saabi, açan bir eni baalantı yapacam İzrailin hem İudanın milletinnän.

⁹Diil ölä bir baalanti, nicä yaptım onnarın bobalarının, açan, ellerindän tutup, çıkardım onnarı Mısırdan, zerä onnar Benim baalantıma inanç kalmadılar, onuştan Bän dä kasavet-siz oldum onnar için, deer Saabi.

¹⁰Tä, budur baalanti, ne İzrail milletinnän yapêrim o günnerdän sora, deer Saabi: Benim zakonnarı-mi onnarın fikirlerinä koyacam hem üreklerinä yazacam. Bän onnarın Allahı olacam, onnar da Benim halkı olaceklar.

¹¹Kimsey üüretmeyecek yakın olanını hem kendi kardaşını, deyip: „Saabiyi tanı“, zerä küçük-büyük, hepsi Beni tanıyacak.

¹²Zerä onnarın zakonsuzluklarını afedecäm hem günahlarını taa akıma getirmeyecäm».

¹³Deyip «eni», gösterdi, ani il-kinkisi eskiydi, ama ne eski hem çoktankı, o yakın sonuna.

Erdeki Ayoz çadır

9 İlk baalantının da izmetçilik sıraları hem erdeki Ayoz eri vardi.

²Kuruldu bir Buluşmak Çadırı. İlk bölümün adı – «Ayoz er». Burada bulunardı şamdal hem sofra, dizi ekmeklärلن.

³İkinci perdenin ardında vardı bö-lüm, adı «En ayoz er».

⁴Buradaydı altın altar günnükle-mäk için hem Baalantı Sandı, ani her taraftan altın yaldızlıydı. Burada vardı bir altın kap manaylan, Aro-nun filizlenmiş bastonu hem baalan-tının düz taşları.

⁵Onnarın üstündä yalabık her-uvinär, angıları gölgelärdi acıyan-nik kapaani. Şindi diildir vakıt bun-narın halizini lafetmää.

⁶Bunnar erleştirildiktan sora popazlar herzaman çadırın ilk bölümünü girerlär, ki izmetçilik yapsınnar.

⁷Ama ikinci bölümä sade baş popaz yılda bir sıra girer, alıp kan kurbandan, ani getirer kendisi için hem hepsi insanın bilmezlik günahları için.

⁸Bununna Ayoz Duh gösterer, nekadar vakıt çadırın ilk bölümü du-rêr, Ayoz erä yol diil açık.

⁹Bu çadır bizim vakıtlar için bir benzetmäktir. Baaşşalar hem kurbannar getirilir, angiları yok nasıl heptän paklasınnar onnarin üzlerini, kim baş iilder Allah'a.

¹⁰Bu sıralar kurulu sade imeklär için, içmeklär için hem hertürlü yikamaklar için, başka laflan, güdüdä için, o vakıda kadar, açan Allahın aslı sıraları kuvedä girer.

Hristozun kani

¹¹Ama Hristos, gelär iiliklerin Baş popazı, gelip-girdi bir taa şannı hem käämil Buluşmak Çadırına, diil el-dän yapılı, başka laflan, diil bu dün-nedän.

¹²O girdi bir sıra herzamana Ayoz erä, diil tekä hem bızaa kanınnan, ama Kendi kanınnan, da bununna diveç kurtulmak edendi.

¹³Eer bizaaların hem tekelerin kannarı hem bir dananın külü ser-pilip ayozlarsayıdı mindar olannarı hem paklarsayıdı bulaşık güüdeleri,

¹⁴nekadar taa çok Hristozun kani, Angısı Diveç Duhlan Kendini le-kesiz bir kurban getirdi Allah'a, pak-layacek sizin üzünüyü ölü yaptıklar-dan, ki izmet edäsiniz diri Allah'a.

¹⁵Onuştan Hristos Aracıdır eni baalantida, ki onnar, kim çaarılmış,

adanmış diveç mirası edensinnär. Hristos öldü, ki kurtarsın onnarı, kim sırayı bastı ilk baalantının vakı-dında.

¹⁶Çünkü baalantı kuvedä girsin deyni, lääzim ilkin göstermää, ani öldü o, kim baalantiyı yaptı.

¹⁷Baalantı kuvedä girer salt ölüm-dän sora. Onun kuvedi hiç yok, ne-kadar vakıt baalantıyı yapan yaşêr.

¹⁸Ölä ki, ilk baalantı da lääzimdi kannan kaavilensin.

¹⁹Dooru, ani Moisey, açan okudu hepsi sımarlamakları Ayoz Zakon-dan insanın öündä, aldı kan bızaa hem tekä kurbannarından da suylan, al boyalı yapaaylan hem issop çi-bünnan serpti, nicä kiyadı, hep ölä dä hepsi insanı,

²⁰deyip: «Budur baalantının ka-nı, ani Allah sıraladı sizin için».

²¹Hep ölä serpti kannan Buluş-mak Çadırını hem hepsi izmetçilik kaplarını.

²²Zakona görä artık hepsi kannan paklanâr. Kan dökülmeyincä, bişey afedilmeer.

²³Eer gökteki asılıların benzetme-leri butürlü lääzimsa paklansın, ne-kadar taa çok lääzimdi gökteki haki-na asılıları paklasınnar taa ii kurban-narlan.

²⁴Zerä Hristos girmedî eldän ya-pılı bir Ayoz erä, angısı hakına Ayoz erin benzetmesiydi, ama girdi uz gökä, ki

²⁵diil ani çok sıra kurban Kendini getirsin, nicä baş popaz, angısı her yılın En ayoz erä girer kannan, ama diil kendi kanınnan.

²⁶Başka türlü Ona lääzim olacey-di dünneyin kurulmasından çok sıra zeetlensin. Ama O şindi, vakıtların

bitkisindä peydalandı, ki bir sıra her-zamana Kendi kurbanının günahı silsin.

²⁷Nicä insana sıralanmış, bir kerä ölsün, ondan sora daava,

²⁸hep ölä Hristos da Kendini bir sıra kurban getirdi, ki çok insanın günahlarını taşısyn. İkinci sıra gös-terilecek, diil ki kurban olsun günah için, ama kurtarsın onnarı, kim Onu bekleer.

Bitki kurban

10 Ayoz Zakon, angısında var salt gelär iiliklerin gölgesi, ama diil hikina işlerin aslısı, hep o kurbannarlan, ani yıldan yila dur-mamaya getiriler, yok nicä taman yapsın onnarı, kim Alla yaklaşêr.

²Başka türlü durgunaceydilar kurbannarlı getirmää, zerä onnar, kim izmet eder Allah'a, bir kerä paklan-dıktan sora duymazdilar üreklerindä kendilerini günahker.

³Ama bu kurbannar yıl yıldan in-sanın aklına getirer günahlarını.

⁴Zerä yok nasıl bualar hem teke-lär kani günahı yok etsin.

⁵Onuştan Hristos, gelip bu dün-neyyä, dedi Allah'a: «Sän kurban hem baaş istämedin, ama bir güdüdä Ba-na hazırladin.

⁶Heptän yakılan hayvannarı hem günah için kurbannarı Sän beenmedin.

⁷Ozaman dedim: „Tä, gelerim, nicä Zakon kiyadında yazılı Benim için, ey, Allah, ki Senin istediimi yapayım!“»

⁸Hristos baştan dedi: «Ne kurbannar, ne baaşşaları, ne heptän ya-kiyan hayvannarı, ne günah için kur-bannarlı Sän istämedin hem beenmedin, makar ki bunnar Zakona görä getiriler».

⁹Sora ekledi: «Tä, gelerim, /ey, Allah,/ ki Senin istediimi yapayım». İlkinisini ortadan kaldırır, ki erinä ikincisini koysun.

¹⁰Allahın bu istemesinä görä, biz ayozlandık bir sıra herzamana, açan İisus Hristos kurban getirdi Kendi güüdesini.

¹¹Herbir popaz, gün gündän iz-metçilik yaparak, çok sıra getirer hep o kurbannar, angiları bir sıra bilä yok edämäz günahı.

¹²Ama O, Kendini getirip salt bir sıra kurban günahlar için, oturdu herzamana Allahın saa tarafına.

¹³Şindän sora bekleer, duşman-narı koyulsun Onun ayakları altına.

¹⁴Zerä O bir kurbannan taman yapsı onnarı, kim ayoz-lanmak yolunda.

¹⁵Bunun için bizä saatlik eder Ayoz Duh da, deyip:

¹⁶«Tä, budur baalantı, ani o gün-nerdän sora onnarlan yapacam, deer Saabi: Benim zakonnarımı onnarın üreklerinä koyacam hem onnarın fi-kirlerinä yazacam.

¹⁷Artık onnarın günahlarını hem zakonsuzluklarını akıma getirme-yecäm».

¹⁸Ama neredä günah afedilmiş, orada yok lääzimnük günah için kur-ban getirmää.

Brakılmayın inandan!

¹⁹Ölä ki, kardaşlar, İisus Hristo-zun kanınnan var nasıl kiyışmaklan En ayoz erä eni hem diri yoldan gi-relim.

²⁰Bu yolu O açtı bizä içyankı per-deylän, angısı Onun güüdesidir.

²¹Bir büyük Popazımız da var ko-yulu Allahın evinin üstünä.

dayanarak, göründü sansın Onu, Kim görünmeer.

28 İnannan Paskelleyi yortuladı, kurban kanını döküp, ki ölüm angılı Izrailin ilk duumuşlarını telef etmesin.

29 İnannan izraillilär Kırmızı de-nizi, nicä kurudan, geçtilär. Ama misirlilar bunu yapmaa denediyän, buuldular.

30 İnannan İerihonun duvarları düştülär edi gün dolanmaktan sora.

31 İnannan orospu karı Raav inan-sızlarlan bilä ölmeli, zerä gözçüleri ii kabletti /da başka yoldan onnarı yolladı/.

32 Hem ne kalêr söyleyim? Zerä yok vakıdim, lafedeyim Gedeon için, Barak için, Samson için, İeffay için, David için, Samuil için hem kalan proroklar için.

33 İnannan onnar padişahlıklarını en-sidilär, dooruluk yaptılar, adamak-ları edendilär, aslannarın aazlarını kapadilar,

34 kızgın ateşi süündürdülär, kılıç keskinniindän kurtuldular, bakma-yarak kuvetsizliklerinä, kuvet aldi-lar, cenktä kaavi oldular, yabancı askerleri kooladilar.

35 Karılar ölülerini geeri diri kab-lettilär. Başka adamnar, zheetlenip, öldülär. Kabletmedilär verilmiş ko-laylıklar, kurtulsunnar deyni, zerä istedilär, dirilip, taa ii bir yaşamak edensinnär.

36 Başkaları gülmää alındılar hem lobut idilär, sincir hem zindandan cezalandılar.

37 Taşlan düüdüllär, testereylän ke-sildilär, /denendlilär/, kılıçlan öldü-rüdüllär. Koyun hem keçi derisindän tulumnarlan giyimni, yokluk, zorluk hem kötüyük çektılär.

38 Onnar, kimi bütün dünnä et-mäz, çol erlerdä hem bayırlarda, mi-nalarda hem er çatlaklarında kaçkin gezdilär.

39 Hepsi bunnar, makar ki mete-dildilär inannari için, hep okadar kabletmedilär, ne onnara adandı,

40 zerä Allah hazırladıdydi bizim için bişey taa ii, ki onnar bizsiz etiş-mesinnär tamanna.

*Saabi cezaylan üüreder onnari,
kimi sever*

12 Onuştan, çünkü bizi dolay-lêr çok saatlar, bulut gibi, atalım bir tarafa hertürlü aarlü hem hertürlü günahı, ani kolay dolaştıtrér bizi, da dayanmaklan yarışalım o kaçmaka, ani önumüzdä.

2 Uz İisusa bakalim, Angısı bizim inanın öncüsü hem tamannayıcısı. O, bakarak sevinmelää, ani gelecek, dayandı stavrozda gerili olsun. Bu-nu hiç utanmak saymadı da Allahın çorbacılık skemnesinin saa tarafına oturdu.

3 Düşünün Onun için, Kim ölä çok dayandı ozaman, nezaman gü-nahkerlär Ona karşı lafetti, ki yufka-lamayasınız da umutsuzlaa düşme-yäsınız.

4 Siz taa cenkleşmediniz kan dö-küncä, savaşarak günaha karşı.

5 Siz unuttunuz mu o nasaadı, ani sizä veriler, nicä oollara: «Oolum! Paasızlandırma o cezayı, neylän Saabi seni üüreder, da umutsuzlaa düş-mä, açan o seni takazalêér.

6 Zerä Saabi, kimi sever, onu ceza-layıp üüreder hem herbir oolu düü-yer, kimi kableder».

7 Cezaya dayanın, zerä bundan taninér, ani Allah taşıyêr Kendini

sizinnän, nicä oollarının. Vardır mi acaba ool, kimi bobası cezalaya-rak üüretmesin?

8 Eer üurenmärseydiniz cezadan, angısını hepsi çekär, ozaman siz oros-puluk uşaklıysınız, ama diil hakı-na oollar.

9 Bundan kaarä, erdeki bobaları-mızdan cezalanmış, hep okadar on-narı hatırlêériz. Acaba taa çok düş-meer mi, duhça Bobamızın zapına verilip, yaşıyalım?

10 Zerä bobalarımız bizi cezalar-dilar az vakıt için, nicä sayardılar taa ii, ama Allah cezalêér bizim iili-miz için, ki payımız olsun Onunnan ayozlukta.

11 Baştan hiç bir ceza da sevinçli görünmäz, ama guçendirir. Ama sora ondan kim üürendi, onnara usluluk verän dooruluk meyvasını getirer.

12 Ölä ki, kaldırın sarkık ellerinizi hem doorudun büük dizlerinizi.

13 Ayaklarınızı uz yolcaazlar ya-pın, ki topallar da sapmasınar, ama doorulsunnar.

Atılmayan Allahtan

14 Hepsi insannan uslulukta hem ayozlukta yaşamaa çalışın, zerä ayoz-luksuz kimsey Saabiyi görämeye-cek.

15 Esap alın, ki birkimsey kaçırmasın Allahın hayrını. Bir zihirli kök, peydalanıp, sizä zarar yapma-sın da ulaştırmasın çoyunu.

16 Bakın, aranızda olmasın bir orospu yada birkimsey, ani paaya koymêér ayozluu, nicä Esav, angı-sı bir imák için sattı ilk duumuş-luunu.

17 Zerä ii bilersiniz, ani ondan so-ra o istedi edensin bobasından iisöz-

lemeyi, ama ret edildi, zerä ona yok-tu kolaylık, diiştirsin bobasının ka-rarını, makar ki yaşalarlan gözlerindä yalvardı.

18 Siz yaklaşmadınız diiläbilenä, ateşlân tutuşana, bir dumana, bir ka-rannaa yada bir furtunaya,

19 bir truba baartmasına yada bir sesä, ani ölä lafedärdi, ki işidennär yalvardılar, ki onnara sindän sora laf edilmesin.

20 Zerä onnar yoktu nasıl dayan-sınnar bu simarlamaya: «Eer hayvan da diiyärsä bu bayıra, taşlan öldü-rülsün /yada süngüylan saplansın/».

21 Ne görärdilär, ölä titsiydi, ani Moisey dedi: «Çok korkêrim hem titirerim».

22 Ama siz yaklaştınız Sion bayı-rına, diri Allahın kasabasına, Gökte-ki İerusalmä, onnan bin angillerä,

23 ilk duumuşların klisâ yortuluu-na, angıların adları yazılı göktä; o Allaha, Kim herkezinä daava keser, hem dooru olannarın duhlarina, ani tamanna etiştii.

24 Yaklaştınız eni baalantının Ara-cısına, İisusa, hem serpili kana, ani taa ii işleri annadêr, nekadar Avelin kani.

25 Bakın, Ondan, Kim lafeder, atıl-mayasınız. Çünkü cezadan kurtulama-dılar onnar, kim Moiseydän atıldı, an-gısı Allahtan onnara er üstündä haber getirdi, okadar taa pek kurtulamayacez biz, eer üzümüzü çevirärsäk Hristoz-dan, Angısı lafeder göktän.

26 Allahın sesindän ozaman er tep-redi, ama şindi O bölä adamak ver-di: «Enidän sarsaladacam diil sade eri, ama gökü dä».

27 Bu laf «enidän» annadêr, ani dii-silecek, ne sarsalanêr, başka laflan,

ne yaradılmış, ki kalsın salt o, ne sarsalanmaz.

²⁸ Onuştan, çünkü biz kablettik bir padişahlık, ani sarsalanmaz, olağın şükür da butakım izmet edelim Allağa ölä, nicä O beener, bir allahçı korkuyan hem saygıylan.

²⁹ Zerä bizim Allah bir yakar ateşтир.

Son nasaatlar

13 Herzaman kardeş sevgiliii aranızda olsun.

² Unutmayın musaafirci olmaa, zerä kimisi butakım, hiç bilmeye räk, konaklıdı angilleri.

³ Unutmayın kapancıları, olun sansın siz dä onnarlan kapanda bulunêrsınız. Unutmayın zeet çekkenneri, aklınızda tutarak, ani sizin dä güdünez var.

⁴ Herkeziniz steonozluunu saygılı tutun, hem yataanız günahlan lekelâmäsün. Zerä orospuluk hem maskaralık edennerä Allah daava keser.

⁵ Olmayın para sevän, şükür olun onunnan, ne var sizdä, zerä Kendi dedi: «Hiç brakmayacam seni hem hiç atılmayacam sendän».

⁶ Ölä ki, biz kiyışmaklan deeriz: «Saabi benim yardımıcım, korkmêrim, ne var kolay yapsın bana insan?»

⁷ Aklınıza getirin sizin öndercileri, angıları nasaat ettilär sizä Allahın sözünü. Bakarak onnarın yaşamaların sonuna, onnar gibi inancı olun.

⁸ İisus Hristos dün, büün hem di vecinä hep Odur.

⁹ Hertürlü fasıl üürenmeklerin ardına takılmayıñ, zerä iidir üreenizi kaavileyäsiniz Allahın hayırınınan, diil ayri imeklärلن, ani kimseyä fayda olmadı, kim onnara verildi.

¹⁰ Bizim var ölä bir kurbannumız, angısından izin yok, ki onnar işin, kim izmet eder Buluşmak Çadırında.

¹¹ Zerä baş popaz hayvannarın kanını getirer Ayoz erä, ki kurban olsun günah için, ama o hayvanna-rın güüdeleri yakılêr aulun dışanında.

¹² Onuştan İisus, ki ayozlaşın insanı Kendi kanınnan, zeet çekti kababanın tokatlarının dışanında.

¹³ Ölä ki, aulun dışanına Ona çikalım da Onun için aşaaalanmaya dayanalim.

¹⁴ Zerä bizim yok burada dayimalı kasabamız, ama aarêériz bir kasaba, angısı lääzim gelsin.

¹⁵ Onuştan İisusun adınnan Alla-ha dayma şükürlik kurbanı getirelim, başka laflarlan demäk, aazımızdan çıkan sözlär, ani Onun adını metinneer.

¹⁶ Unutmayın iilik yapmaa hem ne var sizdä payetmää, zerä butürlü kurbannarı Allah beener.

¹⁷ Sesleyin sizin öndercileri da ön verin onnara, zerä onnar kahir güderlär sizin kannarınız için, nicä cu-vapçilar. Bakın, ki bunu sevinmäklär yapsınnar, ama diil oflayarak, zerä bu diildir sizin faydanız için.

¹⁸ Dua edin bizim için, çünkü biz çok inanêriz, ani bizim üzümüz pak, zerä bütünüñä bakêriz, götürélim kendimizi, nicä düşer.

¹⁹ Maasuz yalvarêrim, çalışın bu-nu yapmaa, ki taa tez geeri dönäbi-leyim sizä.

²⁰ Usluluk verän Allah, Angısı di-ve baalantının kanınnan ölüdan di-rlitti koynunnarın büyük güdücüsünü, bizim Saabi İisus Hristozu,

²¹ sizi taman yapsın herbir iilik yapmaa, ki tamannayasınız Onun istediini, da bizdä yapsın, ne beener İisus Hristos aşırı. Ona metinnik diveçtän divecä! Amin.

²² Yalvarêrim, kardeşler, hoş görün bu nasaadın laflarını. Dooru, ani kisa bir kiyat yazdım sizä.

²³ Bilersiniz mi, ani bizim kardeş Timofey çıktı kapandan. Eer o tez gelärsä, gelecam onunnan barabar, ki göreyim sizä.

²⁴ Selämneyin sizin öndercileri hem Allahın bütün ayoz halkını. İtaliya-dan olannar seläm yollêërlar sizä.

²⁵ İivergi olsun hepsinizlän. /Amin./